

MRK - Ale language

Wengele Mark'oose

Mar.

Mark'ose

Wengele Mark'ose

Wengele Iyesus Kristoose Mark'oose Tooḥi

Intawte

Wengeli Mark'oose “Mi'aye Hallikito Iyyesus Kristoosena K'aalessi ote heesana” paayyoote tiisi. Wengelinna kittate Iyesuse qhawho kodhambakopa rafisambako qhamu kodhdhi ki'it'oosti, rafisisaka kollise tuusupa Orrito sappeema humna isheeqipa c'upo koronu ihxuritakki armatti.

Wengeli Mark'oose Wengeladhdhe salahna kittate Mat'aafa tookko. Mat'aafa Mark'oose tookkissana olhu hoḥawni kodhdhittay, Iyyesuseesi qhamo Kodhambakito ki'it'oosi. Iyyesuseka pukkaḥatuusuna hasi payi: “Ano Mi'aye Qhawhitoka koronu kodhadhepa hekishaasi ishshiqenuki annabse Tayyusi likkasepa teeḥenu Anokay dhiishey qhamu koro yeesi kodhaninu Anuokayuka.” (Mark'oose 10:45) Ikodhdhitama kabay Mark'oose kolladhambawhe Iyesuse hudhdhanpa lakkina kittate yeḥaqi. Naqharray oli kaasay ḥaytuna kolladhi kolladhambako Peḥiroosena kaanta, qhoota Yohannisessi Mark'oose anapayina ḥayto annataynaani Mat'aafa Kodhambawhate 12:12,25; 15:37.

Olhu Mat'aafi Illeema Qappadhi

Paayyoote wengelate 1:1-13

Iyesuse kodhmo huusu ipiyye Gelilasa ippaayyi 1:14-9:50

Qhamu Katama Iyyerusalamena kodhadhi qhotate 10:1-52

Torpa dhikkatatena Iyyerusalamepa qodhdhe tiisina qhootate 11-15

Fartate haḥe Poqolhito 16:1-8

Poqolhossi fartate haḥina armadhepa hadhdhe huusu 16:9-20.

Erko Shoḥambako Yohannise

([☞Mat. 3:1-12](#); [☞Luk'. 3:1-18](#); [☞Yoh. 1:19-28](#))

¹ Wengele^a Mi'aye Hallikito Iyyesus Kristoosena^b paayyoote tiisi.

² Qhamossi hxuumambako^c Isayase* hasa paypa tooḥo kula:

“Haadhi erkambako hayyu hohoosi onke qarisna

an'intosnipa hoqhara'ita eraga; ³ hussaka

homandhito ikkito dhammattay hasa payipa isiriira:

«Onke Poqolhitoosi qarisa: onkadhe takkuma uso na'ashshinisika
qete'isangu.»*

⁴ Hussanu Shoḥambako Yohannise hasi payipa mandhonu saleetettay okayu:

“Qhamu a'hxurako tayantenu c'uppito kalla holapa shoḥadhangu.”

⁵ Koro kisha piyye Yihuda pa katama Iyyerusalamena kaasaki uso kula okayapa c'uppo huusundhiisika isihelapuut'angipa usoka kolle Yordanoosesa shoḥate isiusundhe shoḥa.

⁶ Urkuyte Yohanniseka ufurko kaalanaka akodhdhi, kuudhe itaka teebgo ishshabadhi, olhu yi'ika ayyakopa sagmo taantate.

⁷ Erko huusutaka hasi payipa saluyu:

“Kahhepa hxobadhdhe huusuna suro ishiqekaki yeyeqeeḥasti hoyeesi uuma qula yekaleema okayna. ⁸ Ano ḥandhetaka anhune shoḥnima, naqharray Uso Nasso K'ulk'ullottaki ihune shoḥni.”

Shoḥattepa Temmame Iyesuse

([☞Mat. 3:13](#); [☞4:11](#); [☞Luk'. 3:21-22](#); [☞4:1-13](#))

⁹ Hingisana Iyesuse katamassi piyye Gelilanna kittate ḥaqa Nazirate anapaynukki okayipa kolle Yordanoosesa shoḥate shoḥadhenu Yohannise kula okayu. ¹⁰ Haattay ḥandheete kittate liqnittay moonto iqhaashamipa Nasso K'ulk'ulloka liqno ḥalalakitottay kodhdhupa isinnasaappa oodhdhanaki hi'i. ¹¹ Ikkitto hasa payi moontonu okayi: “Mi'ayessi hayyu anc'igadhi Ato, hottay hxaso yedhakaadha!”

¹² Hattay Nasso Hallikito Iyyesuseesi akkipa karo mandho kula ashshottay.

¹³ Mandhusanaka Seet'anattay innitemmamana kuyaŕago hudhango salahki oladhi. Aaqe mandhito ŕaleka isi ŕaaka, erkambatadhe Hallikitoka nukodhadhongi.

Iyesuse Kodhmo Wengelateesi Qhamu Piyye Gelilasa Paayyi

([☞Mat. 4:14-17](#); [☞Luk'. 4:14-15](#))


¹⁴ Yohanniseka ishabami tubettay Iyesuse wengele Hallikitoosi innitorruyanaki karo piyye Galila kula okayi. ¹⁵ Ikolisanaka:

“Perre idhdhikadhe; Ahxase Hallikitoka i'it'uytiye c'uppito kalla holangu pa ote heesattay dhukkaysadhangu.”

Iyesuse Qhamu Qhawho Salah heHxaare Qappasaasi Ooŕi

([☞Mat. 4:18-22](#); [☞Luk'. 5:1-11](#))

¹⁶ Iyesuse ipaso Gelilanna kaa'ita liqqana Simioone pa ŕaso huusu Indriyaase usundheka koro hxaare qappa qhooti kodhdhe maallay ipasooma marabaddhe qaasanaki usundhe hi'i.



Marabe ahxaareta qappasi

¹⁷ Iyesuseka hasi napayi: “Yekaleema okayama qhamo hxare qapaste kula hekoro yeqappasa anhune konniye.”

¹⁸ Usundheka haattaki marabadhdhe huusundhiisi helahxurepa nakala ashshongi.

¹⁹ Haysannaka takkasaki ita tahxina dhelle Zebdiwoose Yaik’oobe pa faso huusu Yohannise hekonkito sappeete marabadhdhe qarsadhaki hi’i. ²⁰ Iyesuseka haattay i’ooƒina usundheka paapo huusundhi Zebdiwooseesi kodhambawhe illi konko sappeema hxurongipa Uso kaleema ashshongi.

Qhawhossi Nasso Maqata Qabamina Dhingo Huusu

([Luk’ 4:31-37](#))

²¹ Illiqqepa katama K’ifirenahoomena hxafonogi, haattay kuyyaƒago hxaysingo koro

Ayhudhattena Iyesuse manne huusundhi qissootatte kulaki hullipa kollise paayyu.

²² Iyesuse ikollisana qhamo qhawho kollisambawhe Higgate kula yekodhdhuma qhamo qhawho humna rafisate sheeqa kula qhoti kollisi maallay waarsho kollise tusuttay idhdhahxhi.

²³ Qhawho tookko honasso lokmadhittay qabamipa mannessa qissoote koro Ayhudatena kalla isiƴaqa hasi payipa riiru:

²⁴ “Ato Iyesuse Nazirate, manhola sheeqni? A’ine patisanuka okayti? Ato qhamu yaħa kodhdhitisa anhoara, Ato K’ulk’ullito Hallikito!”

²⁵ Iyesuseka nassossi maqana hasi napayipa qheeru: “K’ambaypa qhawhuna liqay.”

²⁶ Nassossi lokmadhika qhawhossiisi piyyeema ik’uripa dhitansatteesu tubettay ikkitto dhammataki riiripa naliq.

²⁷ Waarsho kaasay idhdhahxhxi isa’ille kakasƴadha: “Ii! Ata husi kollingo qhawtitu homallay? Nassidhdhe lokmadhesikaki ipoqlungo humna huusuttay hayi usundheka innuhayamangi” ²⁸ Haattay ote Iyesuse qodhdhadhisa piyye Gelila kaa’ita ƴaqa kaasaki qhaskati.

Iyesuse Qhamu Koro Kisha Ho’udhdhamaasi Dhinisi

([☞Mat. 8:14-17](#); [☞Luk’. 4:38-41](#))

²⁹ Haattay Iyesuse mannessi qissoote koro Ayhudattenu kalla illiqipa Yaik’oobepa Yohannise illay hoSimoonepa Indriyaasena manne kula ashshopa hullu.

³⁰ Mannisanaka sooqitte Simioone ippawwaƴatipa isirafay. Haattay Iyesusenu qhamu pawwaƴatisi innuƴalle. ³¹ Iyesuseka ħaytosi innarafti kulaki iit’uyipa ħarqqo naqapupa haƴisunna pawwaƴosika i’ise hxurripa, haƴi pa olho usundhe geeƴasa nukodhi.

³² Oqhqhayeka ihullitipa ħaytoka awnuyunna koro udhdhamapa koro nassidhdhe maqoomattay qappami kaasasiki Iyesuse kula okayettay. ³³ Koro katamisana ƴaaka kaasay i’okayipa minteema illaaholu. ³⁴ Iyesuseka koro udhango pile pilettay ƴoot’odha hokishasiki dhinisi, Nassidhdhe maqoomaka hekishaasiki llihasi. Naqharray nassidhdhissa maqooma Uso qhamu yaħa kodhdhisa qhooti arre maallay qhamu ƴallanenu Iyesuse yenapayu.

Iyesuse Hayto Qinafago Kulaki Qissootenu Ashshi

([☞Luk'. 4:42-44](#))

³⁵ Kuyafago nakala faqa yeqhayuna Iyesuse ihaŋi liqupa hayto koro yenaŋagi kula qissootenu ashshoy. ³⁶ Simioonepa hesinafale faqaka Uso qeeŋenu liqonkipa nakala ashshonki. ³⁷ Itayennaka innapayena: “Koro kaasaki hoqeeŋa”.

³⁸ Iyesuseka hasi payipa nuholasu: “Ano qhoota kollisenu okayi maallay qhamu korossi wengele kollisninu qodhanadhisa it'ooma kula ashshini.”

³⁹ Husa maallay i'ashshipa mannadhese qissoote koro Ayihudattena isikollisapa Nassidhdhe maqoomaasika isilihasapa piyye Gelila kaasay isia'ashsha.

Iyesuse Qhamu Qhawho Udhango Lemf'ate Naŋaqisi Dhinisi

([☞Mat. 8:1-4](#); [☞Luk'. 5:12-16](#))

⁴⁰ Qhawho udhango lemf'e^d anapay naŋaqiki Iyesuse kula okayipa nakala kilibupa hasa napayupa waatadhu:

“Awo'ay payni, yealheesesi a'alkasnay”.

⁴¹ Iyesuseka iqhararrsadhupa harqqota shokku qappadhupa hasa napayu:

“Awo'aye, alheesama.”

⁴² Qhawhosika haattay udhangosi lemf'atena iqari.

⁴³ Iyesuseka qhawhosina hasi payipa uuma dhihamupa laqqu:

⁴⁴ “Oliisi yaŋanuka qhamu atuŋallintinu hetifitadha. Naqharray ashshapa k'esitonu hehi'aasay, misikire qhamo innukodhdhininu alheesame taahusi hi'asenuka teeŋakosi Muse haysi itt'oosay* hayisika Hallikonu it'oosay”.


⁴⁵ Naqharray qhawhossi haahanu liqnittay i'ashshipa dhine huususi hayto kaasasa torruye paayu. Qhootisanu Iyesuse katamaadhe kaasana liŋako'ita hulle yealkasuka. Naqharray katamana seetottay hayto koro yenaŋaqinaki faaki, ikodhdhitama kabay koro hayta haytanuki Uso kula okayi.

2

Iyesuse Qhamu Qhawho Totoni Dhinisi

([Mat. 9:1-8](#); [Luk'. 5:17-26](#))

¹ Kuyafŕe qhac'a tubettay, Iyesuse Katama K'ifirenahome kulaki holipa okayu, qhamu haaha manneete kalla ŕaqisa a'abaqhi. ² Koro kisha haga manne hoqhqhinipa qinteka nutakuyi saasaki illeema holi, K'aalesika isinutorruya.



Qube manne koro piyye Isiraelatena

³ Hingisana qhawho salaŕsaki qhawho totoonisi dhooqhasipa Iyesuse kula okayongittay. ⁴ Naqharray waarsho qhooti uuma naŕi maallay Usooma itta It'oose yenu alkasamu, hussa maallay mannesi Uso naŕaqi sappeemi hadhdhepa holoŕko pootongipa tugonki, t'arfe innarafitay illi naminteema oodhasongi.



⁵ Iyesuseka dhukkaysadhe tuusundhisiki innahi'ipa qhawhossi totonina hasa payu:
“Ato mi'ayi, c'uppo haahu ihohxurami.”

⁶ Kollisambawhe Higge Muusena kittate tookke, tookke haytusanaki fakkadhepa saffe huusundhina kittekata isihasa dhihadhangi:

⁷ “Qhawhu moonuki dhaqqasato hasa liqqaasi Hallikooma falladhi? Halliko to'oko malettay hokoronu c'uppo hxurase alkasa yaha?”

⁸ Haattay Iyesuse dhihattootisay saffe huusundhina faqaasi Nassottay inna'aripa hasa napayu:

“Moonuka saffe haahundhina kittekata olisaasi dhihatte? ⁹ Qhawhu totoonina <C'uppo haahu ihohxurami> paye taakinti <Haơapa t'arfe taahu dhooqhadhopa ashshoy payeete> fallitisana tingaki nawoyya? ¹⁰ Naqharray Ano Mi'aye Qhawhitonu piyyina qhamu c'uppo hxurasenu humna ansheeqiisi ahune hi'aasa” kinnapayipa ¹¹ qhawhossi totoonina hasa payu: “Haơapa t'arfe taahuusi dhooqhadhopa manne haahu kula faakoy.”

¹² Qhawhossi totoonika minakalte haŕipa ʔarfe tuususi dhooqhadhopa koro mintaʔita liqpa ʔaakoy; hussa maallay koro kaasay idhdhahxhxi paasa paayupa Hallikoosi uuma kaanasu:

“Olho hasa liqa hoʔarru iniʔarooni!”

Iyesuse Qhamu Qhawhossi anaMatiwose Payi Lewisi Ooŕi

([Mat. 9:9-13](#); [Luk. 5:27-32](#))

¹³ Hantuka Iyesuse holipa karo paso Galila kula ashshopa waarsho kaasay Uso kapeema okayupa usundhe kollisu. ¹⁴ Ihaytusana liqqana miʔaye Ilfiyose Lewe hoŕhayto kʔaratʔitona ʔakkadhasiki hiʔipa hasa napayu: “Yekala okay” Usoka haŕupa nakala ashshoy.

¹⁵ Iyesuse hoMatewosena manneete iyyiʔo yiʔana waarsho kisha qhooti nakala ashshi maallay usundhisana kittate koro kʔaratʔo sooŕapa cʔuppolawhe okayipa Iyesusepa kolladhambawhe Huusu ʔale isiyiʔo yiʔa.

¹⁶ Kollisambawhe Higge Muusena heFeresawadhe kodhdha Iyesuse hekʔaratʔo sooŕa pana cʔuppolawhe ʔale iyyianaki hiʔepa kolladhambawhe huusuna hasa payongi: “Hekʔaratʔo sooŕapa cʔuppolawhe ʔale moonuki yiʔo yiʔi?”

¹⁷ Iyesuseka olisa iŕalladhesiki abaqhipa hasa napayu: “Akimito koro udhdhamanu dhiishay koro heesoomanu yeqeeŕasi, Ano cʔuppolawhenuka okayi dhiishay hepare ʔaqaasi ooŕenu ʔandhika.”

Kasʔo Qhoota Yiʔo Male Qissadhe Kaaʔita Iitʔuyi

([Mat. 9:14-17](#); [Luk. 5:33-39](#))

¹⁸ Kolladhambawhe Yohanisepa heFeresawadheete^e qhooti tʔoome mallay koro tookko, tookko Iyesuse kulaki okayipa hasa napayu:

“Kolladhambawhe Yohanisepa heFeresawadheete olhunnu tʔoome pa kolladhambawhe haahu naqharray isiyetʔoome moʔo?”

¹⁹ Iyesuseka hasi napayi:

“Akkampako iʔusundhe ale ʔaqana uyyattadhe mali tʔoome alkasne? Akkampako usundhe ʔale ʔaqana tʔoome yeʔalkanne, ²⁰ naqharray kuyafago

haantitusa usundhena kalla akamni okayina, kuyafisana kabay it'oomnangi.

²¹ Qhawho lalle keeshshattema muuqhatte qhawtite muuqha ye'faqi, naqharray hasi kodhi payni muuqhatte qhawtisisay lalle keeshatisaasi ikka'fanapa kaa'fanisaka uuma qandhafi.

²² Qhamusa kula qhawho ya'haka hot'ajje weynate madhdheesi surbo keeshshakoma tiiqa ye'faqi^f naqharray qhamusa kulaki kodhi payni t'ajjisay weynate surbusasi ik'oosnay, t'ajjisay weynateka ituqhamnay, surbusaka iharkishamna, hussa maallay t'ajje weynate madhdheesi surbo qhawtitoma atiiqi.”

Kasfo Kuyafago Hxaysingo Koro Ayihudattena Kaa'ita Iit'uyi

([Mat. 12:1-8](#); [Luk. 6:1-5](#))

²³ Iyesuse kuyafago hxaysingitona ipasho kaspito kitta'ita liqqana kolladhambawhe huusu uso fale faqa tische qhu'adhe paaye. ²⁴ Feresawadheka Usona innapayena:

“Moonuki olho kuyafago hxaysingitona kodha olopayuusi kodhe?”

²⁵ Usoka hasi napayi:

“Dawite hingsi ippuffina korosi uso fale faqa illi olhu kodhiisi huni napapongu intaa? ²⁶ Perresi Abiyatere k'esito k'eesadheete qula kodhdhina Dawite Manne Hallikitosa ihullipa dhilangosi k'ulk'ulawwi k'eesadhe patta i'yyie payamiisi yi'opa he'uso fale faqanuka tee'hu?*

²⁷ Holupa hasa napayu: “Kuyafago hxaysingito qhawhonuki uumami dhiishey qhawho kuyafago hxaysingitonu yeumamu. ²⁸ Laadhi Ano Mi'aye Qhawhito kuyafago hxaysingitonukaki Poqolho.”

3

Iyesuse Qhamu Qhawho Harqo Natotoonisi Dhinisi

([Mat. 12:9-14](#); [Luk. 6:6-11](#))

¹ Kuyafago pile Iyesuse manne qissoote koro Ayhudattesa ihulli, haahaka qhawho to'on ho'harqo natooni faqa. ² Koro ho'Iyesuse dheehenu qee'fa hasi kodhdhipa isi

tifitadha: “Into eemni ata kuyaŕago hxaysingitonaki dhinisni payni?”

³ Iyesuseka qhawhossi ħarqo natoonina innapay:

“Okayipa ħaysa shikkaaray.”

⁴ Iyesuse hasi payipa usundhe kasŕadhu:

“Emma keeni kuyaŕago hxaysingitona hopayami olho ħeesa kodhem homaqa? Nabse dhinistem patise?” Naqharray usundhe ik’ambaye.

⁵ Iyesuseka saŕŕe huusundhi henafafe qhotinnakodhdhe maallay i’azanipa koro naka’ita ŕaqaasi miirattay emmupa qhawhossinna hasa payu: “Inta, ħarqo haahu qete’is” Usoka iqeteisina ħarqo huusu innadhini.

⁶ Feresawadheka illiqepa Iyesusesi mala qhamu paasinepa patisongisi koro Herodise⁸ ŕale sulansadhe payyongi.

Waarsho Qhamu Pasito Hinaseema Iyesuse Kaba Illaholi

⁷ Iyesuse kolladhambawhe huusu illaki paso kula laqqammi. Koro piyye Galilana houuma kisha Uso kaleema ashshi. ⁸ Koro olhu Uso kodhi kaasasi i’abaqhina piyye Yihudanu, teIyerusalamenu, teEdomiyasenu, piyyaadhe kolle Yordanosena koray ŕaqa pana katama T’iroosepa hoSidonanu Uso kula okayi. ⁹ Waarsho qhooti uuma naŕi maallay qhamu Ye’uso hillisnenu konkosi qhamu nuqarisnepa nuitt’osoonginu kolladhambawhe huususi hayi. ¹⁰ Koro kishasiki udhangito dhinisi maallay koro udhangottay ŕoot’odha kaasay qhamu ħarqqe huusundhittay qappadhinenuki wo’epa isirakisanki.

¹¹ Nassidhdhe lokmadheka i’Uso hi’e payni irrirapa isinnamiinta raranapa isihasa kodhdha: “Ato Mi’aye Hallikito!” ¹² Naqharray Uso yaħa qhamu kodhdhisa yaħanuka qhamu yeŕallinenuki kokisipa usundhe hayi.

Iyesuse Qhamu hePako Huusu Kaba Erkamna Hudhdhanpa Lakkissi Qholadhi

([☞Mat. 10:1-4](#); [☞Luk’. 6:12-16](#))

¹³ Iyesuse iqubo kula hadhdhina hessi c’ikadhisi hekulaki ooŕi, usundheka nakula iit’uyoongipa ¹⁴ qhamu Uso ŕale kodhdhinepa kollisenuka usundhe eragunu hudhdhanpa lakkissi naqholupa makaħko huusundhika Hawariyaadhe napayupa

makaḥu. Husa payyo heqhoota Iyesuse kaba erkame. ¹⁵ Holupa qhamu Nassidhdhe maqoomaasika lihhase alikkanenu humna nuteeḥu.

¹⁶ Hudhdhanpa lakkessi Iyesuse qhoota huusu kaba eragenu qholadhika hisi: Simioonesi iPeṭ'iroose napayi pa makaḥu pa ¹⁷ dhelle Zebdiwoose: Yaik'oobe pa ṣaso huusu Yohanise, hessi Bo'anergese napayi pa makaḥu (husa payyo Mi'aadhe Qawwaṣigito), ¹⁸ Indriyaase pa Filp'oose pa Bertelomewose pa Matiwoose pa Tomaase pa mi'aye Ilfiyose Yaik'oobe pa Tadewoose pa Simioonessi piyye tuusunu yooka pana ¹⁹ Yihudassi Ask'oroottay Iyesusesi likkasipa teeḥu.

Iyyesusepa Bielzebule

([☞Mat. 12:22-32](#); [☞Luk'. 11:14-23](#); [☞12:10](#))

²⁰ Iyesuse manne kalli ḥullina waarsho kisha holipa illaaholu maallay Iyyesusepa kolladhambawhe huusu yiito yi'ekaki yealkasongi.

²¹ Iyesuse issaroodha qhoota innapay maallay hedhalito huusu kodhdha i'abhaqhepa Uso qabenu okayonki. ²² Kollisambawhe higge Muusena Iyerusalamenuki okayepa isi hasa kodhanki:

“Usona Bielzebule^h naṣaqa, nassidhdhe maqaasika rafisambako nassidhdhe maattaki lihasi.”

²³ Iyesuseka usundheesi hekulaki ooṣipa liqnota hasa napayu: “Seet'ana mali holipa Seet'anasi lihhase alkasu, ²⁴ Ahxase toote ille qhoqhootapa isi'ille papaḥa payni dhikitepa shikkaare yealkasinti. ²⁵ Qhamusa kula ahxke tookke ille qhoqhoota payni illeṣale ṣaake ye'alkaneka. ²⁶ Seet'anaka qhamusa kula i'ille qhoqhoota payni ipanna male ṣaake yealkasnika, dhikkate tuusuka innahxafti payyo.

²⁷ “Husa maallay qhawho qharitteema tannabgosi yeshabuna manne tannabgitosa ḥullinapa olhu sheeqisi sare alkasu yeṣaqika, naqharray ishahi tubettay sareesi i'alkasna.

²⁸ “Dhuke anhune ṣalli, c'uppo mi'aadhe qhawhito kodhepa koro dhaqqisoongi kaasanu innuhxuramnay; ²⁹ naqharray qhawho Nasso K'ulk'ullo dhaqisi kaasanu itta c'uppo perre yehume sheeqenaki innukodhdhinima yenuhxuramni.”

³⁰ Iyesuse olhu namaallay hasa ṣalladhi “Nasso lokmadhi hola ṣaqa” qhoota

innapay mallay.

Iyyesusena Ahxke Huusu Dhukate

([Mat. 12:46-50](#); [Luk'. 8:19-21](#))

³¹ Haysa tubettay yayye pa fassawhe huusuki usokula okayipa qinteema shikkaarongi, qhawho naerakongipa oo fasongi. ³² Koro naka'ita fakkadhaka hasi payipa nu fallu:

“Kulay yayye pa fassawhe haahuki qinteema shikkaaripa isihoqeefa”.

³³ Usoka hasi paypa nuholasu:

“Yayye tayyu yaħa? fassawhe hayyuka koro yaħay?” ³⁴ Korossi naka'ita fakkadhaasi i'eemipa hasa payu:

“Yayye tayyupa fassawhe hayyu hisi, ³⁵ howo'ogo Hallikito kodha kaasay Usoki faso hayyupa alawte tayyu pana yayye tayyu uso”.

4

Liqno Poodhaħito

([Mat. 13:10-17](#); [Luk'. 8:4-8](#))

¹ Kuya fago pile Iyesuse iholipa pasito hinasema kollise paayyu. Waarsho uuma kisha qhooti Uso kula okaypa illaaholu maallay Uso konko sappeemi hadhdhipa fakkadhu, waarsho kaasaka pasusana hinaseeti faqi. ² Usoka olho kishasiki liqnottay hasa payipa kollisu:

³ “Abaqhasindha! Pooħambako poodhaħo pooħenuki soofu. ⁴ Ipoodhaħo pooħana poodhaħo tookko, tookko onkate hinaseemi hayyipa aaqeka okayongipa soofongi.

⁵ Poodhaħo hubhaka moqhorkoomi hayyi, ħaytusanaka piyye qhooti yenawanti maallay hattaki fuu'i. ⁶ Ikodhdhitama kabay oqhaye ihxustina iruqi, qhooti yeħisse sheeqi maallay ishsha'i.

⁷ Poodhaħo hubhaka qhat'me kitteemi hayyi, qhat'mesika naaqohipa poodhaħakosi fuu'isi loqhipa hekala haqhasipa yeawshunna hasa haqhu.

⁸ Poodhaño hubhaka piyye heesassa qhooti hayyi maallay iffuu'ipa qohu, awshoka teeñu, tookko ibhbhite dhippa i'awshi tookko ibhbhite hudhango izzañ, tookko hudhango tappi, tookkoka ibhbhite dhippaasiki awshi.”

⁹ Nakaleemaka Iyesuse hasi payi: “Qhawho qhaame abaqha sheeqa i'abaqha!”

Iyesuse Momallay Qhamu Liqnota Falladhi

([Mat. 13:10-17](#); [Luk'. 8:9-10](#))

¹⁰ Iyesuse i'fawni faqana, korossi nakala ashsha pana kolladhambawhe huusu hudhdhanpa lakki qhoota liqnidheete kaa'ita kasfadhe ¹¹ Usoka hasi napayi:

“Huneesi (fashate) fallite Ahxase Hallikitona bhadhamti ihune teeñamti, naqharray koro pilenu olho kaasasi liqnotaki anutorruyi. ¹² Olhunna maallay hasa kodhdhintika qhamu hasa payamti kula*:

«Usundhe qhamu karo Hallikito yeholeba c'uppo huusundhika nuhxuramunu, eemesi i'eemangima safaagooma yeqabadhe, abaqhasesika i'abhaqhasangima yehela taaye.»”

Liqno Poodhañitona Ishiqe Tuusu

([Mat. 13:18-23](#); [Luk'. 8:11-15](#))

¹³ Hingisa Iyesuseka hasi napayi: “Intaa liqnusa hunesika yehune ñulli? Eepa, liqnidhe hibhaasi malaala arre alkasinte? ¹⁴ Pooñambako K'aale Hallikitoosiki pooñi.

¹⁵ “K'allisa ipooñamtina poodhañusa onke hinaseema puñika koro K'aalesi i'abhaqhasina Seet'ana okayipa K'aalesi safaago kitteema napooñamitiisi haattay isinna akkisiki hi'aasi.

¹⁶ “Holupa poodhañusa moqhorkooma pooñamika hehasa liqa, K'aalesi i'abaqhena hattaki hxasoottay akadhe, ¹⁷ naqharray kuyafe qhac'asa ita pattama hisse yesheeqe maallay qhoota K'aalate maallaki rakko taakinti qorame nahxafti payni minakalti marmadhe.

¹⁸ “Poodhañakusa qusako qhat'mate kitteema pooñamika koro K'aale abaqhisiki hi'aasi, ¹⁹ ikodhama faakonu heqadhe piyina pa shorokungo piyyinu tatakamepa olho latu kippadhe safaagooma nahoqhapa K'aalesisi naniiku maallay yeawshongina isihasa

haqhe.


²⁰ “Tokkeka poodhañusa piyye ñeesasa pooñhamisiki liqe, usundhisaka hek’aalesi aabaqhasepa isi’akkadhangi, usundhisana tookko hudhango izzañ, tookko hudhango tappi, tokkoka ibhbhite dhippa i’awshi.”

Liqnosi Hammako Haahana

([Luk. 8:16-18](#))

²¹ Iyesuseka hasi napayi:

“Hammakosi ñayto yearmadhi hoore kala’ita takinti taango anaqhubaba? Hammakosi ñayto armadha sappeema añawwadhi ñandhi? ²² Qhamusa kula hobhadhami qhamu armaninu, hohemuqisika qhamu aramninu. ²³ Qhawho qhaame abaqha sheeqa ñaqa payni i’abhaqha!”



Hammako ñayto armadhana sappeete

²⁴ Nakaleemaka Iyesuse hasi napayi: “Olisa abaqhastenu hetifitadhindha bhat’olissay abhat’tengutaki ihune bhat’aminti, sa’fi tequlaki hune padhaawamni.

²⁵ Momalla payni hosheeqanu anaanu padhawna, naqharray hoyesheeqina husa faqaka ana’akkina.”

Liqno Qohko Poodhañitona

²⁶ Nakaleemaka Iyesuse hasi payi:

“Añaxse Hallikito qhawho pashooma poodhaño poohasiki liqti.

²⁷ Qhawhusaka awne irafa, kuya’ate iha’fa, qhamu malaala kodhdhitisa ye’arunagi poodhañusa fuu’ipa isi qohi. ²⁸ Paayyootema piyyeka tiisittay manqosi iffuuasay, Nakaleemaka fiitopa awushu. ²⁹ Manqo i’awshi payni qimako nahxafi maallay qhawhusa minakalte maac’ire qarsadhi.”

Poodhaño Sanafic’atena Liqno Huusu

([☞Mat. 13:31-34](#); [☞Luk’. 13:18-19](#))

³⁰ Iholi hasa napayu:

“Ahxase Hallikitoosi mo’otaki añhitañisnani, liqno moytotaki anhi’asnani?

³¹ Ahxase Hallikito poodhañako dhishtakko senafic’ate illiqti, usoka poodhañidhe piyyatte faqa kaasana kalla hoqhac’a. ³² Naqharray apoñipa fuu’u tubettay iqohapa dhishto kaasanu isiquli, aaqe montitoka hagi manne naqupptanepa nakala kaasuyadhe alkasongi saasa saanne kaanoma lihasadhoy.”



Dhishtakko senafic’ate

³³ Iyesuseka koro qhamu hela'olo taaye algani kulaqafiki, liqno hasa liqattay K'aale Tuusu innutorruyi. ³⁴ Liqno malettay olho to'okokaki yeusundhe kollisika, naqharray fawniki faqe payni olho kaasasi kolladhambawhe huusunu innu'ishiqa.

Iyesuse Qhamu Bimbese Paso Kakantulasi Hess Paasi

([Mat. 8:23-27](#); [Luk. 8:2-25](#))

³⁵ Kalabkusana Iyesuse kolladhambawhe huusuna hasi napayi:

“Ashshinipa pasito afe koray tahxhini.”

³⁶ Waarshosika ihxurepa Iyesuse illay konko sappeema hadhdhongipa ashshongi, konkadhe pileka nafali faqe. ³⁷ Hingisana bimbe hafiki hafipa hagi fandhe konkooma hoqhqhine saasa kakantule paayi.

³⁸ Naqharray Iyesuse konkito kittate kasidho ikasidheesadhipa korito konnato koray rafu, kolladhambawhe huusuka i'Uso hafisepa hasa napayoongi:

“Kollisambako haani, ata anhumanina yehodhaagati?”



Konkosi pasito kittate bimbe kakantulti

³⁹ Usoka ihafipa bimbeseesi qheeru, pasitoka:

“K’ambay!” Kinnapayina ururesika isaltipa olho kaasay hess payu.

⁴⁰ Iyesuseka innapayina:

“Moonuka hasa qaabte? Haga hantu saasa dhukkaysadhe hunisheeete?”

⁴¹ Usundheka uuma iqaabepa isi hasa illena papaya:

“Ihim! Ata husi binbepa pasoka nuhayame yaħa?”

5

Iyesuse Qhamu Qhawho Nasso Maqa NaƔaqisi Idhdhinnisi

([Mat. 8:28-34](#); [Luk. 8:26-39](#))

¹ Konkotaki paso Gelilana tahxhxepe piyye Gersenonena hxafoongi. ² Iyesuse konkito oodhinittay qhawho to’on honasso lokmadhittay qabami haattay ħayto hawleetena liqipa naahxafoy. ³ Qhawhu ħayto hawleetena Ɣaakasi yaħaka siblettay shapepa qayyasesi yealkasi. ⁴ KuyaƔƔe dhamma sible luhheete pana heħarqqeetetaki ashashapi, naqharray sible ħarqqeetesi iyuyutapa heluqeesika isiqoqondha, husanoosika qhawho usoosi qabipa alkasu yeƔaqika. ⁵ KuyaƔago kaasay awnepa kuyaƔate ħayto hawlaadheete pana quppaƔila yesalu male isi a’ashshapa isirirrira, pishko huususi awruqettay isihelaqhit’apa isihelapapayshesa.

⁶ Usoka Iyesusesi siikaabnooma hi’ina nakulaki soripa kilpaye huusuttay qulladhupa nusagatu. ⁷ Ikkitto dhammattay hasa paayupa riiru: “Ato Mi’aye Hallikoosi Dhammana Iyesuse manhola sheeqi? Qhamu atuye ƔooƔuyintinu Hallikotaki anhokohxhi!”


⁸ Hussaka olhu innamallay hasa payi: “Ato nasso lokmadhi qhawhuna liq!” Qhooti napayipa qheeru mallay.

⁹ Iyesuseka hasi payipa kasƔadhu: “Makaħko haahu yaħa?”

Usoka hasi payipa nuholasu: “Ine hekisha maallay Legewooneⁱ ayelapayi”.

¹⁰ Ĥaytusanaka qhamu yeusundhe qorrinu uumi waatadhe kokise.

¹¹ Ĥaytusanaka luumadhe kisha irpante qubito qadho kala’ita koshadhaki Ɣaqa.



Luumadhe irpango

¹² Nassidhdhesi maqaka hasi payepa Iyesusesi waatadhongi:

“Qhamo anashshinanipa luumadhisa kitta yakamaaninu inepay.”

¹³ Iyesuseka innupay; nassidhdhesi lokmadheka qhawhosina innaliqepa luumadhese kitteema yakamongi, irpantisa kaasay luume tekuma lakki hxafnaki polle kata hayyipa pasooma lohqhadhoy.

¹⁴ Hessi luumaadhe koshaka iqoradhepa ashshongi katamaadhepa qodhdhadheete olisaasi torruyongi, koroka olisa kodhdhamadhiisi eemenu mannadhe huusundhinu liqongipa ¹⁵ Iyesuse kula okayonginna qhawhossi nassidhdhe maqata qabami holalladhe urkuyipa k’albeka nuholipa isi’akadhasiki hi’epa qaabongi.

¹⁶ Koro olisa qhara’ita hi’i qhawhossi nasso maqata qabami olho luumadheema kodhdhamadhi kaasasi innutorrue. ¹⁷ Hussa maallay Iyesuse qhamu piyye tuusundhina liqnipa ashshonuki waatadhe.

¹⁸ Iyesuse ikonkoma hulleete faqana qhawhossi qharo Nassidhdhe maqatta qabami hasi payipa waatadhu:

“Ako he’dhdhe anho’ale ashshi.”

¹⁹ Naqharray Iyesuse qhamu nafale ashshinisi yewo’uma innapayina:

“Manne haahu kula faakapa Poqolho olho malaqafiti dhamma ihokodhipa malaala hohxurako kodhusi ahxke haahunu torruyay.”

²⁰ Qhawhosika olhossi dha’amma Iyesuse nukodhiisi piyyesi Katama-

Hudhdhan^j anapayisaki torruye paayi, koro abaqhi kaasaka dhahxhu.

Shette Iyy'iroosepa Hiskatosi Lalle Iyesuse Qappadhiti

([☞Mat. 9:18-26](#); [☞Luk'. 8:40-56](#))

²¹ Iyesuseka iholipa konkottay pasito afe kora tahxhuna, waarsho kaasaka Uso kabeema illaholi, haysannati Uso pasito kaantaki faqi. ²² Haytusana rafisambako manne qissoote koro Ayhudatena kittate qhawho tookko hoanapay Iya'iroose Iyesusesi ihi'ina luhhe kaleema innaranipa hasa napayupa uuma waatadhu:

²³ “Akko shette tayyu takkayaki yelafarta it'uyi maallay qhamu dhinintipa faqota faakonu akko kedhdhe okayipa harqqo haahuusi nasaappa qabadhay.”

²⁴ Iyesuseka isinna'ale ashshana koro kisha na'ale ashsha maallay hayto innaka'ita hillise. ²⁵ Haytusanaka hiskatako to'on teperko hudhdhanpa lakki saasa k'eeqhte na'eltiki faqa. ²⁶ Akimito tokkonu tookko kula ashshanto dhammattay foot'o hiitipa kodhatte tiisi kaasasika napoqqi, naqharray innana'ama dhingosi yealkasuka.

²⁷ Iseka ote Iyesuseki abaqhti maallay, waarshosi ille hillisana kittakoruki okaytipa konnata koro lalle Tuusuna qappadhi.



Hiskatosi lalle Iyesuse qappadhiti

²⁸ Olhu namallay hasa kotti; “Lalle Tuusu pattaki anaqapadhini payni andhinna”

qhooti paytipa dhihadho maallay. ²⁹ K'eeqhtesi na'elaka hattaki nashikaartipa qhamu udhango hiisinaka dhintiisi pishko hiisina helaubadhi.

³⁰ Iyesuseka haattay qhamu hañno Usona liqiisi ihela aripa waarsho kula laaqamupa napayu:

“Yaña yela lalle qappadhi?”

³¹ Kolladhambawhe huusuka innapayena:

“Waarshu hasa ille dhukaasi innahi'anaki a'iitina <Yaña yeqappadhi?>”

³² Usoka qhamu yaña olisa kodhi arenu illaqqammipa eemoy.

³³ Naqharray ñiskatosika olho iseesei kodhami qhooti arti maallay murrukti ñotolatipa nakala rani pa dhukeesi nukodhdhamti kaasasi nutorrui.

³⁴ Usoka innapayina:

“Mi'aye tayyu, dhukkaysadhe taahi ihedhinistiye. Nagayhottay ashsha, ñoot'o haahina kalaka ahxaysattiye.”

³⁵ Iyesuse ihaana olisaasi ñalladhana koro horafisambako manne qissoote koro Ayhudattenu okayi, Iyya'iroosena innapayina: “Moonuka atayte kollisambako rakkistima kulay mi'aye taahu iffartiye?”

³⁶ Naqharray Iyesuse ñallitisasi abaqhina yenadhihadhumma Iyya'iroosena innapayina:

“Ato oloqaabima dhukkaysadh.”

³⁷ Iyesuse, Pet'iroosepa Yaik'oobe pana ñaso huusu Yohanise malettay yañaka qhamu Uso kala ashshinu yewo'uka. ³⁸ Manne Iya'iroosena ihxafenna Iyesuse koro howac'ac'apa isiriirapa isi'ooyasiki hi'i. ³⁹ Manne kalla ñullupa hasana payu:

“Wac'ac'i pana ooyi kaasay hemoyto kodhdhamadha? Mi'ayi kulay ippi'atima yefaruye.”

⁴⁰ Korossika dhafkotaki innakishshafi. Naqharray Iyesuse koro kaasasi manneete kalla illihasipa paapo pa yayye mi'ayate pana hessi Uso ñale ñaqaasi hekala ooñupa ñaytosi mi'ayissay nañaqti kula ñullu. ⁴¹ Shettesinna ñarqqo qabupa napayu: “T'alita k'umi” Husa payyo pako Aramaykatetayi^k “Ato shetti, hañ anhela payi.”

⁴² Iseka minakalite ihañati shikkaaripa ashshango paayi, korossika uumatte dhahxhxu. Iseka shette perrko hudhdhanpa lakkina. ⁴³ Naqharray Iyesuse olisa qhamu

yaḥaka yearninu innuhay tubettay innapay:

“Olhu yiintisi nuteeḥa.”

6

Hxuumambako Piyye Tuusuna Yekaanasami

([Mat. 13:53-58](#); [Luk. 4:16-30](#))

¹Iyesuse haahanu ihaḥipa piyye tuusu kula okayu, kolladhambawhe huusuka Uso kaleemi okaye. ²Kuyaḥago hxaysingitona manne qissoote koro Ayhudhatena kalla ikollisana koro kisha abaqhipa dhahxhxupa isihasa paya:

“Ata dhahxhxootaadhi hasa liqoomasi ḥanganaki akki? Husi arnane moyto nuteeḥami? Dhahxhxootaadhika isi Usottay kodhdhamadha? ³Husi mi’ayesi Mariyaame kaare hxasha ḥandhi? Qharungo Yaik’oobepa hoYoosapa hoYihudapa hoSimooone ḥandhi? Alawwe huusuka hasa ine ḥali ḥaqe ḥandhi?” Kinnakodhdhepa dhafkottay yeUso akkadhongu.

⁴Iyyesuseka hasi payipa nuholasu:

“Hxuumambako piyye pileete ikaanasama naqharray dhalitopa ahxke huusuna kittate yekaanasamika.”

⁵Ḥaytusana koro qhac’a ho’udhdhama sappeemateki ḥarqqo huusu qapadhipa dhinnisoy male dhahxhxootadhe pileesi kodhe yealkasuka. ⁶YeUso dhukkaysadhongi mallay Iyesuse innadhahxhxi.

Hatubetaka Iyesuse qodhdhadhe itta i’a’ashshipa isikollisa.

Iyesuse Qhamu Hessi Qhota Huusu Kaba Kodhdhina Hudhdhanpa Lakkissi Kollisenu

Eragi

([Mat. 10:5-15](#); [Luk. 9:1-6](#))

⁷Hudhdhanpa lakkessiisi hekulaki ooḥipa lakki lakki kodhupa eragu, nassidhdhe lokmadhe sappeemaka rafise nuteeḥu. ⁸Iyesuse i’usundhe dhihamana hasi napayi:

“A’onkeema haḥangunna toollako malettay kalḥe takinti borsaka kodhatteka kiisema olosheeqadhe. ⁹Hxobe ḥadhdhadhama lalle oohadhatekaki

olodhooqhadhe. ¹⁰ Hayto hunganaka manne annaḥullitena, haga liqinte saasa haama qayyindha. ¹¹ Haytu koro yehune akadhipa isiyehune abaqhasi kaasana kittate aliqankuna tullubako luqqe haahundhina helahisshisapa ashshongu, olisakka usundhe qhamo i’hetiḥitanenuki misikire usundheema kodhdhiniye.”

¹² Kolladhambawhesi huusu i’erakika haahanu illiqepa koro kaasay qhamu c’uppito kalla karo Hallikito hollinuka kollisonki, ¹³ Nassidhdhe maqooma hekishaasika illihasepa koro udhdhamaasika zaytetay shiinongipa dhinnisongi.

Shoḥambako Yohanisena Qhamu Ana’amo Qhaqhi

([☞Mat. 14:1-12](#); [☞Luk’. 9:7-9](#))

¹⁴ Ote Iyesuse qhooti hayto kaasay qhaskati maallay nigusa Herodiseka ¹ qhoota Huususi i’abaqhi, koro tookko ippayana “Shoḥambako Yohanise fartate haḥi mallaki dhahxhooxadhisaa kaasay usottay kodhdhamadhe.” ¹⁵ Koro tookkoka ipayana: “Eliyaase”, koro hubhaka ihola payana “Hxuumambawhe kedhdhana tookko ikodhdhini.”

¹⁶ Naqharray Herodise olisa kaasasi i’abaqhina hasi payi:

“Ata, husi Yohanisessi anona pukaḥate qoḥasiki fartate haḥim!”

^{17,18} Herodise naḥaye ḥaso huusuna teFilpoose Herodiyadaasiki akki. Husa maallay Yohanise “Naḥaye ḥaso haahuna akke Higge yepayukka” ^m qhooti napay maallay Yohanisesi iqabasipa shapupa manne shappeetesa ḥulleesu.

¹⁹ Herodiyadaka Yohanisessi ihommosatipa isipoqose nawoay, naqharray yenukodhdhu. ²⁰ Yohanise qhawho pare ḥaqapa pa k’ulk’ulito qhamu kodhdhiisi Herodise qhooti ari maallay innaqhara qaabapa isifartate kalaka tiḥadha, Herodise ḥallite Yohanisessi i’abaqhi minteema i’c’annak’ama, ikodhdhitama kabay olho innutorruyiisi hxasotaki na’apaqhasi.

²¹ Herodise kuyaḥago innadhaldhisi kaanasenu shuumadhe mangistatepa he’orḥankito pana koro ho’aramana tookko tookko hepiyye Gelilana ḥaaqanuki yi’o dhamma qarisi. Herodiyada noosika kuyaḥagusa hoqaraki innukodhdhi. ²² Shette Herodiyadaka mannesi anayi’o qarisi kaleemi ḥullitipa isihiripana Herodise pana korossi naḥale ḥakkadhaasi ihxasesti. Nigusasi shettisana hasi napayipa nuagutadhu:

“Olho awooti kaasasi yelakasfadhma anheteehaye. ²³ Mangiste tayyuna karokaki kodhdhinti payni olho akasfati kaasasi anheteehna”.

²⁴ Iseka yayye tiisi kulaki ashshitipa hasa napayi: “Mo’o anakasfani?”.

Yayye tiisika innapaytina: “Pukafate Shoħambako Yohannise iyyeteehamta napayipa nakasfadhay”.

²⁵ Shettesika minakalte watipa nigusasi kula holipa hasa napayipa kasfadi: “Pukafate Shoħambako Yohannise qhamu hantu taangottay ayeteehinti kawwooti!”

²⁶ Ihasa paytina nigusasinu uumi nudhagaati, ikodhdhitama kabay olhossi ikasfatinu agutesi koro yi’onu oofami minteema innuhulisi dhawre yealkasuka. ²⁷ Husa maallay nigusitosi hattay foolisito tookko homanne shappeete tifadha qhamu pukafate shoħambako Yohanniseesi qhaqhinipa okayuttanuki eragi. Foolisitosika karo manne shappeete kulaki ashshipa pukafate Yohannisessi qhaqhu. ²⁸ Pukafatesi aqhaqhisika taankottay okayuttapa shettesinu teeħu, shettesika yayye tiisinuki teeħti.

²⁹ Kolladhambawhe Yohaniseka olisaasi i’abhaqhenna okayepa pukkafosiiisi akkongipa maayongi.

Iyesuse Qhamu Qhawho Kuma Hxubinisi Yi’ashshi

([☞ Mat. 14:13-21](#); [☞ Luk. 9:10-17](#); [☞ Yoh. 6:1-14](#))

³⁰ Hessi Iyesuse qhoota Huusu kaba erakika Uso kulaki okayepa illa holongi, olhu kodhepa olhu kollise kaasasi nutorryongi. ³¹ Koro usundhe kula okayapa ho’ashsha qhooti uuma nafi maallay yiito yi’esikaki yealkasongi, Usoka innapayina:

“Hune patta okayapa illeſale ashshinipa qinaſagooma okoto hxaysadhangu”.

³² Husa maallay konkooma ihadhdhepa hayto koro yenaſaqi kula ashshonki.

³³ I’ashshanginaka koro kisha usundhe hi’ipa qhamu usundhe kodhdhesa aronki maallay katamaadhenu liqepa hermatottay na’intawoongipa usundhe kapeema illa holongi.

³⁴ Iyesuse ikonkito sappeete oodhana waarsho kisha ihi’i, qhamo ſemme koshshito dhabe kula qhooti kodhdhe maallay iqhararsadhi pa olho kisha kollise paayu.

³⁵ Hayto qhooti awnuyeema itta tahxi maallay, kolladhambawhe huusu Uso kulaki iit’uyepa hasa napayu:

“Hayto annaʼaani mandho, haytoka iʼawnuyi, ³⁶koru olhu yiinesi qhooti yesheeqe maallay qhamu ashshinepa piyyaadhepa qodhdhadhi hayna kaaʼita itʼaana yiʼo pittamadhonu helahaʼis.”

³⁷Naqharray Uso hasi payipa nuholasu:

“Olhu yiinesi hune nuteeha.”

Usundheka hasi payepa nuholasoongi:

“Kati anʼashshinanipa yiʼo pirre dinaareⁿ dhippa lakkittay nupitamanipa nuteehaani?”

³⁸Usoka innapayina: “Dhilantako meʼeka asheepte? Into ashshindhapa eemongu”.

Usundheka iʼashshe eemongipa napayoongi: “Dhilantako hxubinpa hxaarite lakki ʼaqa.”

³⁹Iyyesuseka waarshosiisi qhamu qhootate qhootatema illena kalla qhootnepa liʼakusa martahaasa ʼakkateesonginu kolladhambawhe huususi iʼhayi. ⁴⁰Hussa maallay koro tookko tookko qhawho dhippa dhippa koro tookko tookko qhawho hudhango hxubin hxubin kikodhdhepa ʼakkadhongi. ⁴¹Iyyesuseka dhilantako hxubinpa hxaarite lakkisika iʼakkipa moontaʼila emmadhupa Halliko kaanasupa dhilantakosika qoodhupa korosinu qhamo iqhoonenu kolladhambawhe huususa teeʼu. Holupa hxaarite lakkisika koro kaasanu qhootoy. ⁴²Koro kaasaka yiopa dhalahu. ⁴³Kolladhambawhe huusuka qodhanaadhesi dhilangito pana hxaarate korusana kalla haqhe kʼunna hudhdhanpa lakki hoqhqhashesiki nakala haʼise. ⁴⁴Tʼiire dhilangusasi yiitika qhawho kuma hxubin.

Iyesuse Qhamu Paso Sappaʼita Oqadhipa Ashshoy

([Mat. 14:22-33](#); [Yoh. 6:15-21](#))

⁴⁵Haattay Uso iwwaarsho hela haʼisatte ʼaqaana, kolladhambawhe konkooma qhamu hadhdhinepa karo afe Katama Beetesayda kula intawongipa tahxhxonkinuki usundhe hayi. ⁴⁶Haahanu ihaʼipa qissootenu qubo kula hadhdhu.

⁴⁷Hayto ittukanina konko pasito kittati ʼaqa, Uso pattaki piyyatte ʼaqa. ⁴⁸Uruure qhooi naʼati pa mintaʼita ashshangonu isiohxmamaasi hiu, awnate saate kollanpa haga hudhdhanpa lakki saasa paso sappaʼita iʼashshipa usundhena kaanta hxafoy, ahxay

usundhe kaa'ita illiqqinipa ashshoy. ⁴⁹ Naqharray usundhe ipaso sappa'ita ashshana i'hi'enna hekaraadhe hi'e kinnulaqipa murrkonki.

⁵⁰ To'oteema i'Uso hi'ena immurruke. Naqharray Uso haattaki hasa napayi:

“Haay! Kula Anoye oloqaabe!”

⁵¹ Okayupa usundhe kapeema konko sappeema hadhdhuna ururesika isalti; kolladhambawhe huusuka uuma idhdhahxhe ⁵² kulay saffe huusundhiki nalulipa dhahhxootesi dhilangito helataaye malaalongi dhiishey olisa ahxaytu yeusundhe dhahhxisnika.

Iyesuse Qhamu Piyye Genseret'esa Koro Udhdhamaasi Dhinisi

([☞Mat. 14:34-36](#))

⁵³ Pasosina ittahxhepa piyye Genseret'ena hxafoongi. Konkosisi piyyeema itta hiiqqisoongipa shapongi. ⁵⁴ Konkusana i'odhdhena koro Iyesuse qhamu kodhdhisa iubadhi. ⁵⁵ Usundhisaka koro piyyisana kaa'ita faaka kaasay kulaki hermatottay ashshepa koro udhdhamaasi t'arfadhattay isidhodhoqhapa hayto Iyesuse faqi kula okaase payongi. ⁵⁶ Haytu ashshi kaasay qodhdhadheetepa katamaadheteka, piyyaadhe hinasadheetenaka koro udhdhamaasi isidhodhoqhangipa hayto mooritatesa lihasongipa Uso minteema isi'it'oosapa kayle lalle tuusuna qappadhenuka isiwaatadhangi, heqappadhe kaasaka idhdhinna.

7

Qhoota Aata Apadhete

([☞Mat. 15:1-9](#))

¹ Haysa tubettay Feresawadhe pa kollisambawhe Higge Muusena kittate tookke tookke katama Iyerusalamenu okayipa Iyesuse kabeema illaholongi.

² Kolladhambawhe Iyesusena kittate tookke tookke harqqe logmadhe hussa payyo harqe yehelashohomnginaki yi'o yi'enaki usundhe hi'e. ³ Momalla payni

Feresawadhepa koro Ayhudhate kaasay tambe appadhete tifadhe mallay harqe

yeshohomongina yeyi'o yi'e. ⁴ Qhamusa kula moorenuka ihole payni yeshohomonki

malettay yiitosi yeyi'eka; holupa mahxadhesi ana'olo ūgipa siqqepa maahxesi sible naasatena akodhipa hoosesika ishoŋangi, holupa tambe pilate titiŋitadhe hokisha ūaqa.

⁵ Husa maallay Feresawadhepa kollisambawhe Higge Muusena hasi payepa Iyesuse kasŋadhongi: “Kolladhanbawhe haahu moonuki tambe appadheete hxurepa harqe yeshohomongina isiyi'o yi'a?”

⁶ Usoka hasi paypa nuholasu:

“Hxuumasi Isayase qhoota haahundhi hepaseese kaa'ita hasa payipa tooŋoy pare: <Waarshu hxibhbhe huusuttay pattaki iyyekaanasi, naqharray saŋŋe huusundhi iyyelakanta sigaaba. ⁷ Aata koritosiki i'ŋigge Hallikito kodhdhepa isikorosi kollisangipa isitayte yekaanasa!> * ⁸ Hunekka hayo Hallikitoosi ahela hxurtepa aata qhawhitesi isatiŋadhangu.”

⁹ Iholi hasa napayu:

“Tambe taahundhi tiŋitadhe maallaka hayo Hallikito pulte. ¹⁰ Muuse hasi payi: <Paapo pa yayye taahuusi kaanas* > holupa <qhawho paapo takinti yayye tuususi dhaqqisi mo'oka payni iffara.> * ¹¹ Hune kabay aiyanguna qhawho tookko paapo takinti yayye tuusu k'ark'are kapeema olhu paapo huusupa yayye tuusuttay k'ark'are qeeŋasti kaasay teeŋako aHalikonu teeŋi kapaytepa ¹² qhawho qhamu paapo huusu pana yayye tuusunu olho tookko innukonnisi isadhawrasangu. ¹³ Qhamusa kula tambe taahundhi dhalatanu alikkastetaki aK'ale Hallikitoosi pulte, holupa olho pile hohasa liqoomasika isakodhangu.”

Olho Qhawhossi Loka

( [Mat. 15:10-20](#))

¹⁴ Iyesuse waarshosisi iholi ooŋupa hasa napayu:

“Hune kaasay yeabaqhasindha, helatayaka. ¹⁵ Olho setonu qhawho kitema hullapa isiqhawhosi loka olho to'okoka yeŋaqi; laadhi olho qhawhosi loka hoqhawhito kittate seeto kula liqa. ¹⁶ [Husa maallay qhawho qhaame abaqha sheeqa i'abhaqha.]”

¹⁷ Iyyesuseka waarshosi hxuripa manne kula ŋaako tubettay kolladhambawhe huusu qhoota liqnusa kaa'ita i'Uso kasŋadhe. ¹⁸ Usoka hasi payipa nuholasu:

“Peri huni helataayte? Olho seetiki qhawho kitteema ħulla kaasay qhamu yeqhawho lokisaama yehuniħulti? ¹⁹ Yiito karfıto kitteemi ħullipa isiseeto kula liqima saġago kula ye’ashshi.” Iyesuse hasa payettay yi’o kaasay hoqari qhamu kodhdhi hi’aasi.

²⁰ Nakaleemaka hasi payi: “Olho qhawhito kittate liqa husa uso qhawhosi loka.

²¹ Olho saġago qhawhitona kittate liqa: dhihattoote maqa pa maaso pa kerfunte pa qhawho poqe pa ²² baalagume pa yookunte pa maqno pa koro tatake pa balaguntenu illesasa’adhe pa dhohmunte pa hxashato pa peepo pana sanafungo. ²³ Oli maqa kaasay saġago qhawhitona kittate liqipa qhawhosika isiloka.”

Dhukkaysadhe Ħiskato To’onna

( [Mat. 15:21-28](#))

²⁴ Iyesuseka haahanu iħaġipa qodhdhesi katama T’iroosena kaanta ġaqa kula ashshopa manne to’on kaleema ħullu haaha qhamu ġaqi saama koro qhamu Ye’uso arinuki wo’i ahxay; ikodhdhitama kabay badhame yealkasu. ²⁵ Hattay ħiskatako to’on temiayye tiisi takkasay nasso maqattay naqapamti ote Iyesusesi abaqhipa Uso kula okayipa luqqe kaleema narani. ²⁶ Ħiskatusaka Grikitte dhaladhe tiisika tesanynye Sirofinak’atena kodhdhiti^o, Iyesuse qhamu mi’aye tiisina Nassidhdhe maqa lihasninuki Uso waattati. ²⁷ Naqharray Uso hasi napayi:

“Yiito mi’aadhetesi akkepa harrenu teeħe yeqeeġasti maallay qharitema mi’aadhe iyyi’epa dhalahhoongi qhari”.

²⁸ Iseka innuholastipa hasa napayi: “Ee Poqolho hayyu, harre kulay ħayto anayi’o yi’i kabeemi it’uyepa qodhanaadhe mi’aadhete hayyesi iyyiangi”. ²⁹ Husa maallay Iyesuse innapayina: “Qhoota hasa paytinu nassossi maqa mi’aye taahina innaliqiye karo manne haahi kula ġaaka”. ³⁰ Iseka ikaro manne hisi kula holtina nassossi maqaka mi’aye tiisina kittate innaliqipa teħeesa kodhdhipa tehoorate sappeete rafasa hxafoy.

Iyesuse Qhawho Dhakkoodhipa Muumusiki Dhinisi

³¹ Iyyesuseka Katama T’iroosesi ihelahxuripa ashshoy, Katama Sidoonepa piyyesi

Katama-Hudhdhan anapayina liqupa karo paso Gelila kula okayu.

³² Qhawho to'on dhakako homuunitaki Uso kula okayepa qhamu ħarqqe huusu nasaappa qabanipa dhinisunu waatadhongi.

³³ Iyyesuseka qhawhosisi korito kittate ħawniki liqitapa qo'ŧe huususi qhaame kata naqhuutu, waaweka natufupa ħarrabgo huususika nasa'adhu. ³⁴ Iyyesuseka moonto ħila i'emmadhipa hihadhupa qhawhosina napayuna: "Efftah^P" aishiqa payni qhaasham payyo.

³⁵ Qhaame huusuka minakalte innaqhaashamepa ħarrabgo huusuka na'ishqamupa tomoma ħalladhe paayu.

³⁶ Iyesuse olisaasi qhawho to'okonuka qhamu yeħalline maallay innadhawrasi. Usundhe kabay hossi napayina qutaki qulasepa torruyongi. ³⁷ Heabaqhe kaasay uumatte dhahxepa hasa payongi: "Ata dhahxhooteye... Olho kaasay hoħeesa ikodhdhi! Hedhakkooode qhamu abaqhne heyeħaladheka qhamu ħallaneki usundhe kodhi."

8

Iyesuse Qhamu Qhawho Kuma Salah Yi'ashshi

( [Mat. 15:32-39](#))

¹ ħingisana waarsho kisha holipa Uso kapeema illaaholu, olho iyyineka qhooti yesheeqe maallay Iyesuse kolladhambawhe huususiki oo'ŧipa hasa napayu:

² "Waarshu kuyaħago izzaħki yeħale oladhi pa olhu yiinisi isiyesheeqi maallay iyyeqadhasa; ³ ye'olo yionkinaki amannadhe huusundhi kula laaqini payni usundhisana kittate koro tookko tookko qhooti ħayto sikaabanu okayi maallay onkadheemi ħirkinipa mallaloy".

⁴ Kolladhambawheka hasi payepa nuholasoongi:

"Emma, mandhuna yaħa yiito waarshunu hxafna ahaate tayna?" ⁵ Usoka innapayina:

"Dhilantako me'eka sheeqte?" Usundheka innapayenna:

"Dhilantako taħħanki ansheeqli".

⁶ Usoka waarsho qhamu piyyeema fakkanninuki hayipa dhilantako taħħanisiisi akupa iHalliko kalataysadhi tubettay qoodhupa waarshonu qhamu qhoonnenu kolladhambawheema teeħupa usundheka waarshosinu qhootongi. ⁷ Holupa hxaare takkuma teye waanti kisheeqe, hxaarisasa Halliko kaanasupa qhamu waarshosinu qhoonnenu kolladhambawheema teeħu.

⁸ Waarshoka yi'opa dhalaħu, kolladhambawheka qodhanadhessi haqhe k'unna taħħan nakalla haƣisongi. ⁹ Lammi waarshosi yi'ika qhawho kuma salah kula qaƣƣi; Iyesuseka usundheesi ihelalaaqi tubettay, ¹⁰ kolladhambawhe huusu illi konko sappeema hadhdhupa piyye Dalmanuta kula ashshoy.

Feresawadhe Dhahxhxooti Hi'e Wo'e

([Mat. 12:38-42](#); [Mat. 16:1-4](#))

¹¹ Feresawadheka illiqepa Iyesuse illay tamakadhe illepayyongi, qhooti temme nawo'e maallay qhamu montito olho koro dhahxhxisa nuhi'asninu kasƣadhongi.

¹² Usoka nasso Huusuttay uumi hihadhipa hasa payu:

“Dhalati momallaki dhahxhxooti hi'e wo'i? Dhuke anhune ƣalli dhalatinu dhahxhxooti to'otekaki olonuhi'asni.”

¹³ Napayupa haama usundhe hxurupa konko sappeema hadhdhupa kora afe koray tahxhxu.

Kollingo Feresawadeetepa Hokoro Herodisena Kalla Hetiƣitadhindha

([Mat. 16:5-12](#))

¹⁴ Kolladhambawhe dhilango kalƣoosadhe qhooti taymoodhe maallay konkito sappeete dhilantako to'oko malettay pile yesheepeka.

¹⁵ Iyesuseka hasi payipa usundhe hayu: “Haƣasiso Feresawadheete pa hokoro Herodisena kalla hetiƣitadhindha”.

¹⁶ Usundheka hasi illena papaye: “Peri qhoota dhilango inisheepeadhooni maallaki hasa inena payna.” ¹⁷ Iyesuseka dhihatoote tuusundhisiki innaubhadhipa hasa napayu:

“Moonuka iitena qhoota dhilango inisheepeadhooni maallaki hasa inena payipa isa dhihadhangu? Hannaka huni helasheepe, yehune ħulliti na'a? Saƣƣe

haahundhi hannaka peri ihunena lulee? ¹⁸ Inna'ehxhxe sheeqangunna huni hiite? Inna'qhaame sheeqangunna huni abaqhte? Ata moonuki hunihela taayte qhari? ¹⁹ Keeni dhilantako hxubinisi qhawho kuma hxubinnu anqhootina qodhanaadhe nakala haqhe k'unna me'eki anakala ha'iste?"

Usundheka innapayena: "K'unna hudhdhanpa lakki".

²⁰ "Dhilantako taħhan qhawho kuma salaħanu anqhootina qodhanaadhe takkuma nakalla haqhe k'unna hoqhqhashe me'eki annakalla ha'iste?"

Usundheka innapayena: "K'unna taħhan."

²¹ Iyesuseka innapayina: "Emma hanaka hunihela taayte na'a?"

Iyesuse Qhamu Katama Beetesaydana Qhawho Taafakko Dhinisi

²² Usundheka ikatama Beetesaydana hxafe tubettay koro to'onki qhawho taafakkottay nakula okayipa, qhamu qappadhininu Uso waatadhongi.

²³ Taafakkossinaka ħarqqo innaqabipa qodhdhate kittate liquttay, ehxhxe huususaka waawe natufupa ħarqqo nasaappa qabhadhupa hasa napayupa kas'adhu: "Olho ahiiti ħaqa?" ²⁴ Qhawho taafakkossika ha'ila i'emmadhipa hasa payu: "Ee, koro ashsha ahi'i naqharray qhamo kaareteki illeleehi."

²⁵ Hantuka lanka Iyesuse iholipa qhawhosina ehxhxe huususa ħarqqo qabuna ħingisana qhawhossi idhdhinipa tomoma emmadhupa olho kaasasi pareema hi'e paayu.

²⁶ Iyesuse karo manne huusu kulaki helalaaqipa napayu: "Oliisi yaħanuka qhamu atu ħallintinu qodhdhisa kula intaa ashu."

Pet'iroose Iyesuse Qhamu Kristoose Kodhdhisa Ifalli

[\(!\[\]\(c2ecea60f1990c304f36f34e0bfaef4d_img.jpg\) Mat. 16:13-20; !\[\]\(f34d66e293b5cd307e8d306f53698be5_img.jpg\) Luk'. 9:18-21\)](#)

²⁷ Iyesuseka kolladhambawhe illi qodhdhadhesi piyye Filip'oose K'esariya kulaki ashshi, i'onkate ħaqana hasi payipa kolladhambawhesi kas'adhu: "Koro yaħa Iyyela payi?"

²⁸ Usundheka hasi napaye: "Koro tookko <Shoħambako Yohanise>, koro hubhay <Eliyaase>, koro hubhaka <hxuumambawhatte kittate tookko> Ihola payi."

²⁹ Nakaleemaka innapayina: “Emma hune yaña ayyela payte?”

Pet’irooseka innapayina “Ato Kristoose.”

³⁰ Iyesuseka qhoota huususi yañanuka qhamu yeƴalinenuki usundhe hayi.

Iyesuse Qhamu Paayyootema Fartepa Haƴe Huusu Kaa’ita ƴalli

([Mat. 16:21-28](#); [Luk. 9:22-27](#))

³¹ Nakalaka hasi paypa kollise paayyu: “Ano Mi’aye Qhawhito rakko dhamma akkadhe yeqeeƴasa, haadhiqe piyyattepa intawambawhe k’eesadheete pana kollisambawhe Higgateka Iyyedhafnangi, Iyyepoqnangi, ikodhdhitama kabay kuyaƴago ishanna fartate Anhaƴana.”

³² Usoka olisaasi tomomi nuƴalli, hingisana Pet’iroose Iyesusesi ƴawniki qinaƴakooma ooƴipa qheeru.

³³ Naqharray Iyesuse illaqqammipa kolladhambawhesi isi’eemapa Pet’iroosena hasa paayupa dheehu:

“Ato Seet’ana, yelakanta pat. Ato olho qhawhito dhiishey hoHallikitoosi atudhihatti.”

Iyesuse Kaleema Ashshenu Olho Qhawhito Qeeƴama

([Mat. 10:38-39](#); [16:24-28](#); [Luk. 9:23-27](#); [14:25-27](#))

³⁴ Haysa tubettay waarshopa kolladhambawhesi hekuli ooƴipa hasa napayu:

“Qhawho yekala ashshanto wo’a ƴaqa payni ihemarmadhipa mask’alako huusuka dhooqhadhopa yekaleema okayu. ³⁵ Qhawho nabse tuususi pehsadhe wo’a kaasay ihelapatisa; naqharray qhawho qhoota Hayyu pana Wengele maallay ƴaqa huususi helalikkasipa teeħu ipehhsadha. ³⁶ Qhawho piyye qhaat’i kaasaki tuusu kodhdhinapa nabse tuususi dhabu payni moonu qarra?

³⁷ Taakinti qhawho olhu nabse tuusu kaba hela mure alkasni mo’o? ³⁸ Qhawho, helhu Halliko marmadhapa c’uppolaku minteema yetta pana K’aale tayyuttay palama kaasay Ano Mi’aye Qhawhitoka kaanaste Paapo Hayuttay erkambatadhe k’ulk’ullawhe illi okaayana anusota palamna.”

Oohame Iyesuse

([☞Mat. 17:1-13](#); [☞Luk'. 9:28-36](#))

¹ Nakaleemaka Iyesuse hasi napayi: “Dhuke anhune falli, Ahasse Hallikito humna dhammattay i’okaayana hagi hiine saasa koru hayna shikkaarana kittate tookke tookke heye farrineki faqa.”

² Kuyaŋago tappi tubettay Iyesuse Pet’iroosepa Yaik’oobe pana Yohannise pattaki ihekala oofipa qubo sikaaba sappeema hadhdhupa usundhe mintema oohamu, ³ lalle tuusuka uumi ehxheete korito bhaqhti, qhawho piyyatte lalle shoñannapa hasa piŋasu hagi yealkasni sappafila iqulti. ⁴ Eliyaasepa Muuse heIyesuse fale falladhaasiki hi’e.

⁵ Pet’irooseka Iyesusena hasi napayi:

“Kollisambako hayyu, haysa qayye i’inena heesaye! Kaassito izzañ: tookko Hoosi, tookko Muusenu, tokkoka Eliyaasenu anqubanna.” ⁶ Qhooti uuma murruke maallay Pet’iroose olhu falladhisika yehela sheeqi.

⁷ Haysanna urratte okaypa usundhe bhadhi, urrattisanna kittate ikkitto iyyana: “Mi’ayesi hayyu anc’igadhi haadhi husi Usoye Usona abaqha.” Dhakaadhi.

⁸ Haattay laaqamepa emmadhongina Iyesuse malettay qhawho pileesi yehiongi.

⁹ Iqubosinnu oodhdhanginna Mi’aye Qhawhito hagi fartate hafani saasa olhu hieesi yañanukka qhamu yeŋallinenuki usundhe hayi. ¹⁰ K’aalessi innuŋallisi apaqhepa saŋeemate qappadhongi: “Ikodhdhitama kabay <fartate hafē> payyo oli mukodhini?” Kikodhdhepa pukaŋate pukaŋateema isi’illena kakasŋadhangi.

¹¹ Usundheka hasi payepa kasŋadhongi:

“Kollisambawhe higgatte moonuki iyyena Eliyaase qhariteema okayna?”

¹² Iyesuseka hasi napayi: “Pare karayka Eliyaase qhariteemi okaynipa olho kaasasi qarisu. Emma Ano Mi’aye Qhawhito kaa’ita qhamo arakko kisha akkanipa dhafamosi moomallaka tooñi? ¹³ Naqharray anhunena iyyana: Eliyaase kulay i’okay, usundheka qhamosi aqhoota huusu tooñi kula olhu wo’e kaasasi nakodhongi.”

Iyesuse Qhamu Mi'aye Nasso Maqa Na'faqisi Dhinisi

([Mat. 17:14-21](#); [Luk. 9:37-43](#))

¹⁴ Iholepa kolladhambawhe tookkesi kula okayongina waarsho kisha usundhena kaanta faqa, kollisambawhe Higgateka kolladhambawhe huusu illi isi illetamakadha.

¹⁵ Hattay waarsho kaasay Iyesusesi ihi'ina immurukipa dhahxhxupa Uso minteema keamupa nuhasu.

¹⁶ Iyyesuseka hasi payipa kollisambawhe higgatesi kasfadhu:

“Olisa moyto sappeete a'ille tamakate?”

¹⁷ Waarshussana kittate qhawho tookko hasi paypa nuholasu:

“Kollisambako hayyu, kulay mi'aye hayyu nasso maqako hokoro muumisattay yelaqapamipa hokula okayattay. ¹⁸ Innaha'fi payni piyyeematti ranisipa ronbosika isinna pakkeete elisa. Ilqeesika isi'illaqhumapa pishkoosika isi'illa naha'hosipa pukkafo kula isikodhi. Nassusa maqaasi qhamu innalihanenuki kolladhambawhe haahunu anfalli, naqharray dhinise yealkasongi.”

¹⁹ Iyesuseka hasi payipa nuholasu:

“Huni dhukkaysadhe dhabte, ata haga para saasa anhune fale faakni, haga para saasa anhune dhuubanni qhari? Into mi'ayissattay yekula okaya.”

²⁰ Mi'ayesitaka Uso kulaki okayettana nasso maqakosika Iyyesusesi taynittay hattaki mi'ayesisi piyyeema k'uripa isidhitansadha, mi'ayesika piyyatti kankaladhipa ronbosika elise paayu.

²¹ Iyyesuseka paaposi mi'ayatteesi hasi payipa kasfadhu:

“Udhangu ipayina malaqa'itiki innaoladhi?”

Paapo mi'ayatteka innapayina:

“Mi'ayungotaki paayipa ²² poqeka isinnawo'apa kuyyafe kisha hattepa fandhema isik'urrayya, naqharray iho'alkasamna payni ako ma'ala ineqhararsadhpa inek'ark'aray!”

²³ Iyesuseka innapayina: “<Iho'alkasamna> ka'iiti atam? Qhawho dhukkaysadhanu olho kaasay innu'alkasama.”

²⁴ Haattay paaposi mi'ayatte hasi payipa riiru:

“Dhukkaysadhesi andhukaysadha, naqarray hayto dhukkaysadhe yela qhac'tisa Ato naye k'ark'ar.”

²⁵ Iyesuseka waarsho ihermatottay okayaanaki hi'ipa hasa napayupa nassossi lokmadhiisi qheeru:

“Ato nasso dhakako pa mumanaku mi'ayina qhamo annaliqintipa lanka nahole hxuranuki anho qheeri!”

²⁶ Nassossi lokmadhika ikkitto dhammataki riiripa mi'ayesisi idhdhitansatesi tubettay naliq, mi'ayessika qhamo pukkafito kula qhooti kodhdhi maallay koro kishanu hofari innuliqi. ²⁷ Naqharray Iyesuse mi'ayesina harqo innaqabipa hafisunna mi'ayesika iha'ipa shikkaaru.

²⁸ Iyesuse immanne kula faaki tubettay kolladhambawhe huusu hasi payepa fawni Uso kasfadhongi:

“Emma ine nassusa maqaasi momallaki lihase ini alkasooni?”

²⁹ Usoka hasi payipa nuholasu:

“Nasso hasa liqaasi qissoote [pana foometaki] yekodhdhu payni olho pilettay yeliqnika.”

Iyesuse Qhoota Fartepa Hafe Huusu Kaa'ita Lanka Ifalladhi

([Mat. 17:22-23](#); [Luk. 9:43-45](#))

^{30,31} Iyesuse kolladhambawhe huusuna hasi napayipa kollise paayyu: “Ano Mi'aye Qhawhito harqqe koritosa ayelikasnipa ayeteehu, usundheka iyyepoqnangi, iyyepoqe tubettay kuya'ago ishanna fartate an'ha'ana”.

³² Naqharray usundheesi fallitisay yenuhuluka, kabay kasfadheesi iqaabe.

Hokaasanu Qula Yaha?

([Mat. 18:1-5](#); [Luk. 9:46-48](#))

³³ Iyyesusepa kolladhambawhe huusu Katama K'ifirenahoome kulaki okaye. Iyyesuseka immanne kalla hulli tubettay kolladhambawhe huusuna hasa napayipa kasfadhu:

“Keeni sahqhahari asanito faqanguna moyto sappeete aille tamakate?”

³⁴ Naqharray usundhe i'onkate faqana qhooti payena: “Hokaasanu qula yaħa?” Pa ille tamakadhongi maallay ik'ambaye.

³⁵ Usoka i'fakkadhdhi tubettay kolladhambawhe huusu hudhdhanpa lakkisiisi ooſipa hasa napayu:

“Hunena kittate qhawho yaħaka hohe'intoose wo'a faqa payni koro kaasana kalla hohekeetasa pa isi koro kaasana kodhadha kodhdha.”

³⁶ Mi'aye takkasataki okayipa usundhe kitteema shikkaarashu sakaradhupa:

³⁷ “Qhawho mi'aadhina kittate mi'aye tokkosi makaħako hayyuttay akkadhi yeesiki akadhi, qhawho yeesi akadha kaasaka yeesi fandhima hossiye eragisiki akadhi.”

Qhawho Ye'ine Toori Kaasay Ineſale

( Luk'. 9:49-50)

³⁸ Yohanise Iyesusena hasi napayi:

“Kollisambako hayyu, kulay qhawho to'on innassidhdhe maqa makaħko Haahuttay lihasanaki anhiini, naqharray qhooti ye'ine ſale kodhdhu maallay anadhawrasni”.

³⁹ Naqharray Iyesuse hasi napayi:

“Homakaħko Hayyuttay dhahxhxoote kodhapa isihattay olho maqa yeema ſallana yeſaqni maallay hxurapa olonadhawrase. ⁴⁰ Qhawho ye'ine toori kaasay ineſalleye. ⁴¹ Dhuke anhune ſalli, qhoota akoro Kristoose kodhdhite maallay qhawho makaħko Hayyuttay fandhe kubbaya to'okokaki hune ſugisi payni hxayye huusu yedhabnika”.

Qhawho Dhappisate Kalla Hetiſitadhe

( Mat. 18:6-9;  Luk'. 17:1-2)

⁴² “Qhawho yaħaka hisi takkumma yedhukkaysadhana kittate qhawho tookko dhappisnana kaanta qhu'me yooqhetesiki amoma hela shabnipa pasoma hek'uruki nuwoyyina.

⁴³ “Apayni ħarqo haahu hodhappisa payni helaqoĥpa k’uray, ħarqo lakki ashsheeqintipa Gehaneme hatte yeime sheeqtisa k’uramana kaanta qhurt’anako akodhdhintipa ħaqa kula ħullaki howoyyina. ⁴⁴ [Gahaname payyo ħayto soborqhoka yenafarri, isihatteka yena’imti].

⁴⁵ “Apayni luhte taahu hodhappisa payni helaqoĥpa k’uray, luhte lakki ashsheeqintipa Gehaneme hatte yeime sheeqtisa k’uramana kaanta tonnako akodhdhintipa ħaqa kula ħullaki howoyyina. [⁴⁶ Gahaname ħayto soborqho yenafarri hatteka isiyena’imti].

⁴⁷ “Apayni ehxte taahu hodhappisa payni helayuk, ehxte lakki ashsheeqintipa Gehaneme hatte yeime sheeqtisa k’uramana kaanta ehxte toote ashsheeqintipa Ahxase Hallikito kula ħullaki howoyyina. ⁴⁸ Gehaneme ħayto soborqho yenafarri, hatteka isiyena’imti. *

⁴⁹ “Sooqho teeĥakosi qhamu qarisi kula qhawho kaasay hattettay qare uso qeeġasa.*

⁵⁰ “Sooqho iĥeesa, naqharray soorno soqhungitosiki dhabi payni motaka soorasinte? Hunena kittateka soorno sooqhito i’ġaqa, pukaġate pukaġateema illaĥulapa nagayhottay ġaakongu.”

10

Iyesuse Qhamu Akke Kaa’ita Kollisi

([☞Mat. 19:1-12](#); [☞Luk’. 16:18](#))

¹ Iyesuse haahanu ihaġipa piyye Yihuday kolle Yordanoosenna afeete ġaqa kula ashshoy. Waarshoka iholi ħayta ħaytanu Uso kapeema illa holu, qhamosi qharo kula usundhe kollisu.

² Feresawadhe tookke tookke temmenuki Uso kula okaypa hasa payongipa kasġadhongi: “Qhawho naĥaye tuususi ishiqenu ippayamti?”

³ Iyyesuseka innapayina: “Emma Muuse qhootisa kaa’ita muhhune hayi?”

⁴ Usundheka hasi payepa nuholasoongi: “Muuse* kulay qhawho warak’ate ishiqate innuteĥi payni ishiqeesi qhamu alkasninu iffak’adhi.”

⁵ Iyesuseka iholi hasa napayu: “Kulay Muuse dhigitno saġe haahundhi maallaki

higgisi ihune toohi. ⁶ Naqharray <qharra'ita Halliko t'irakko pa ħiskato ikodhdhipa uumu>*, ⁷ Husa maallay qhawho paapo pa yayye tuususi ihela hxurapa naħaye tuusu illay isito'oke kodhdhe. ⁸ Usundhe lakkintoy dhaginte toote ikodhdhine, ħaysanu koru usundhe dhaginte toote dhiishay lakki řandhika. ⁹ Lammi heHalliko tookke illa kodhiisi qhawho inni'illena kalla reehu.”

¹⁰ Immanne kula holenna kolladhambawhe iholepa qhootisa kaa'ita Iyyesusesi kasřadhongi. ¹¹ Usoka hasi napayi:

“Qhawho naħaye tuusu ishiqipa pilateesi akku, naħaye tuusu sappeemateki immaasi; ¹² qhamusakula ħiskato ħalho hiisisi ishiqtipa pilakoosi akadhika immaasti.”

Iyesuse Qhamu Mi'aadhesi Ebbisi

([☞Mat. 19:13-15](#); [☞Luk'. 18:15-17](#))

¹³ Iyesuse qhamu qaqapadhininuki koro mi'aadhettay Uso kula okayi, naqharray kolladhambawhe inna dheehadhe. ¹⁴ Iyesuseka i'olisaasi hi'ina iqitipa hasa napayu: “Mi'aadhe iyyekula okayepa olodhawrase, Ahxase Hallikito qhooti hisi hasa liqoomanu kodhdhiti maallay. ¹⁵ Dhuke anhune řalli, qhawho Ahaxse Hallikitosi qhamo mi'ayatte yekodhu yenaħullinika.”

¹⁶ Mi'aadhesisi sasakaradhopa ħarqo huusu nasaappa qabhadhuppa usundhe sakoy.

Qhawho Shorokittosi

([☞Mat. 19:16-30](#); [☞Luk'. 18:18-30](#))

¹⁷ Ĥaysana i'ħařipa isi ashshana qhawho tookko herapa okayu nakala quladhupa hasa napayu: “Ĥorħito kollisambako hayyu, řaço perre yehume sheeqena tayadhenu mo'o ankonna?”

¹⁸ Iyesuseka hasi napayi:

“Mo'onuka ħorħito ayela payti? Halliko to'okko maleki ħorħito yeřaęiye.

¹⁹ Ato hayidhesi a'aray, usundhisaka: <Qhawhoosi olopoqi, olomaasi, olokereři, ayya olomasakari, korossi olotataki, paapo haahu pa yayye taahusi kaanas.>”*

²⁰ Qhawhosika innapayina: “Kollisambako hayyu, hayidhisa kaasasi mi'ayungonuka

anpayipa isantiʼitadha.”

²¹ Iyesuseka iʼemmi cʼigadhopa hasa napayu: “Olho toʼoko pattaki hola haqhi: ashshapa olho ashsheeqti kaasasi lassopa kodhattisasi hiyyawhenu qhootoma shorokungo Moontito illaholisiki attayadhintiye. Haysa tubettay yekala okayay.”

²² Naqharray qhawhosi iʼallitissasi abaqhina uumi azani, qhooti shorokungo dhamma sheeqi mallay namaqipa ashshoy.

²³ Iyesuseka illaqqammi hekaʼita hayto emmupa kolladhambawhatte hasa payu: “Koro kodhatte dhammay sheeqanu Ahaxse Hallikito kula hulle uumi nuhahti!”

²⁴ Kolladhambawheka ʼallitisattay idhdhahxhxe, naqharray Iyesuse iholi hasa napayu:

“Dhelunga, Ahxase Hallikito kula hulle uumi hahti! ²⁵ Shorokitto Ahaxse Hallikito kula hullinana kaanta kaala bhaaqhe marfatena hullinaki woyyina.”

²⁶ Kolladhambawheka uumi dhahxhxe pa isihasa illena papaya: “Lammi yaħa dhine alkasna?”

²⁷ Iyesuse usundhe kulaki emmadhipa hasa napayu:

“Oli qhawhonu yeʼalkasami, Hallikito kaanta kabay hasa ʼandhika, Hallikottay olho kaasay iʼalkasama.”

²⁸ Peʼiurooseka innapayina: “Haadhi ine olho kaasaki anhela hxurripa hokala isanashshaani.”

²⁹ Iyesuseka iholipa hasa payu:

“Dhuke anhune ʼalli, qhawho qhoota Hayyu pa qhoota Wengelate mallay manneesi takkinti ʼassawhe pa qharummadheesi takkinti alawweesi takkinti paapo pa yayyeesi takkinti miʼaadheesi takkinti pashshe kaasasi helahxuri,

³⁰ qoqore perri hantu illa qhawho mannadheesi ʼassawhe pa qharummadheesi alawweesi yayyadheesi miʼaadhe pa pashshe ħarqqo dhippa lakki iʼakkani;

qhaatʼe qhawtawhesi okayinana kittateka ʼaqaqo perre yehume sheeqena

hoyetayani yeʼaqa. ³¹ Naqharray koro kisha hointawi hokeeti kodhdhini, koro keetika hointawi kodhdhini.”

Iyesuse Qhoota Fartepa Hafe Huusu Kaaʼita Izzaħ Itorruyi

[\(☞Mat. 20:17-19; ☞Luk'. 18:31-34\)](#)

³²* Iyyerusalamel kula i'ashshapa isionkate faqana, Iyesuse innu intawipa isi ashshana kolladhambawhe uumi dhahxepa he'uso kalla ashshaka qaabongi. Holupa kolladhambawhe hudhdhanpa lakkiisi fawniki hekula ofipa hasa paayupa olho Usooma kodhdhamanaasi nufallu:

³³ Hasaka napayu: "Haadhi Iyyerusalamel kulaki anashshini, Ano Mi'aye Qhawhitoosi rafisambawhe k'eesadheete pa kollisambawhe Higgatenuki iyyelikkasnepa yeteehongi. Usundheka qhaqhite fartate iyyeema qhaqhnepa koroye koro Ayihudatte kodhdhunuka yelikasongipa yeteehongi. ³⁴ Usundheka iyyelaħikkinangi, waaweka yaatuffongi, yegarafongi, iyyepoqnangika, naqharray kuyaŕago isha tubettay fartate anhaŕana."

Kasfo Yaik'oobepa hoYohanise

[\(☞Mat. 20:20-28\)](#)

³⁵ Hingisana dhelle Zebdiwoose, Yaik'obe pa Yohannise Uso kula okaypa hasa napayongi: "Kollisambako, olho anhola kasfaniisi kaasay qhamu a'inekotinuki anhola wooni."

³⁶ Usoka innapayina: "Mo'o anhune konni kawwoote?"

³⁷ Usundheka inna payenna: "Kuyaŕago kaanaste Taahuna inena qhawho tokkoosi miskitto kaaŕila tokkoosika piħate kaaŕila qhamo anhola faakkaninu ine'pay."

³⁸ Iyesuseka innapayina: "Olho aqissateesi huni arte. ŕugtesi rakkito anŕugniisi yeŕale ŕugepa shoħattesi anshoħaniisi yeŕale shoħadheesi a'alkasnangu?"

³⁹ Usundheka innapayena: "Ee, analkasnaani."

Iyesuseka innapayina: "ŕuqtisay rakkito anŕugniisi aŕugnanqu, shoħattissay anshoħaniisika ashshoħanangu, * ⁴⁰ naqharray miskitto pa piħate tayyu kaaŕila ŕakkadhe hinu qarsaminu dhiishay Ano ŕandhiki teeħna."

⁴¹ Kolladhambawhesi hudhdhan i'olisaasi abaqhenna Yaik'oobepa Yohanisemate innamiiroodhe. ⁴² Iyesuseka illeemi usundhe ofipa hasa napayu:

"Rafisambawhessi koro yekoro Ayhudate kodhdhuna payama qhamo irafisepa intawambawhe huusundhi qhamu humnattay usundhe rafisesa

a'arangu. ⁴³ Naqharray hune qhamusa kula kodhe yehune qeefasti; husana kaanta qhawho hunena kittate qule wo'a faqa payni ihuneesi kodhambako kodhdha. ⁴⁴ Laadhdhi qhawho hunena qule wo'a qhawho kaasanu i'ayille kodhdha. ⁴⁵ Qhamusa kula Ano Mi'aye Qhawhitoka qhamu koro Yekodhaninu f'andhima koronu qhama kodhanipa hekishanu nabse tayyu ko'o kodhepa teeñenuka okay."

Iyesuse Qhamu Qhawho Taafakkossi Bert'emewosena Ehxhxe Dhinisi

([Mat. 20:29-34](#); [Luk'. 18:35-43](#))

⁴⁶ Haysa tubettay Iyarko kulaki okaye. Iyesusepa kolladhambawhe huusu waarsho kisha illi ikatama Iyarkona kittate liqqana qhawho taafako mi'aye T'emoose hoana Bert'emewoose pay, ho'onkate hinaseete f'akkadhapa isisaantibadhe qissadha faqa.

⁴⁷ Usoka Iyesuse Nazirate qhamo ikkodhisa i'arina hasi payipa riire paayyu: "Mi'aye Daawite Iyesuse, akko ma'ala taahu yeqhararsadh!"

⁴⁸ Koro kishaka: "K'ambay!" Kinnapayipa qheeru. Kabay Uso hasi payipa uuma riiru: "Akko Mi'aye Dawite ma'ala taahu yeqhararsadh!"

⁴⁹ Iyesuseka ishshikaaripa hasa napayu: "Into oo'fa." Usundheka qhawho taafakkossina innapayena: "Lammi kokisadhpa hafama iho'ofaye."

⁵⁰ Usoka lalle ihela k'uripa hafupa Iyesuse kula okayu.

⁵¹ Iyesuseka innapayina: "Mo'o anhokonni kawwooti?" Qhawho taafakkossika innapayina: "Kollisambako hayyu, hayto hi'e awwo'i."

⁵² Iyesuseka innapayina: "Ashsha, dhukkaysadhe taahu ihodhinistiye" Qhawhosika haattay haytosi hi'ipa Iyesuse kala onka'ita ashshoy.

11

Iyesuse Kaanaste Dhammataki Katama Iyyerusalame Kula Hulli

([Mat. 21:1-11](#); [Luk'. 19:28-40](#); [Yoh. 12:12-19](#))

¹ I'yyerusaleme kula itt'uyepa qodhdhadhesi Qubo Ekerkitona kaanta faqa Betefaage pa Bittaniya hxafongina Iyesuse kolladhambawhe huusuna kittate qhawho

lakkisiki ooſipa hasa napayupa eragu:

²“Qodhisay hunena miinate ſaqa kula ashshindha; haytusana ahxafte payni, hattay mi’aye harrate teshabadha abar teqhawho yenaahadhusa ahxafinteye ishiqapa hassa kula okaasangu. ³Yaḥakaki hunena iyyana: ‹Moonuka ishiqte?› Pa isihune kasſada payini ‹Poqolhonu qhooti qeeſasti mallay ihollapa minakalte holasuye› napaya.”

⁴Usundheka i’ashshepa mi’ayesi harrate onkate kaanta homanneete qintate shabadhaasi tayongipa ishiqongi. ⁵Koro haytusana shikkaarana kittate tookke tookke hasi napayepa kasſadhongi: “Mi’ayisa harrate muhune kontinuka ishiqte?”

⁶Usundheka olhossi Iyesuse napayisi innu ſallenna korossika i’usundhe hxuri.

⁷Mi’ayesi harrateka Iyesuse kulaki okaasepa laalladhe huusundhiisika nasappeema ſafongipa Usoka nasaappa ſakkadhu. ⁸Koro kisha laalladhe huusundhiisiki onkeema ſafe, koro tookoka kaareti qharre qhiſ’epa isiſafangi.

⁹Koro intawipa hokeeti kaasay:

“Hosayna!^q


Homakaḥko Poqolhitottay okaaya hohepoqadhi!!

¹⁰Ahxasesi paapo haani Dawite okaynay te’ebbisamti; Hosayna moontitoka ikodhdha!”* Kipayepaa isiriira.



Iyyesuse Iyyerusalame kulaki ashsha

¹¹ Iyesuseka Iyerusalame ħullinittay hattay qintate Manne K’ulk’ulawhate kitta ihullupa olho ħaytusana Ŷaqa kaasasi i’eemmi tubettay ħayto qhooti awnuyi mallay kolladhambawhesi hudhdhan pa lakki illi qodhdhe Bittaniya kulaki ashshi.



Mannesi Halliko K’ulk’ullitito a’awruqeta ohini.

Iyesuse Karkosi Belese Anapayisi Qhamu Qhiic’i

( [Mat. 21:18-19](#))

¹² Haqhayna singatto iqodhdhe Bitaniyanu hollangina Iyesuse ipuffi. ¹³ Usoka karko laasite liqa hoana belese payi ho’aahxe uuma naraadhesiki issigabnonu tayipa yaħaaray awshitako naŶaqa paayupa nakula ashshoy; naqharray innakanta hxafina leeŶosi karko belesate na’awshi qhooti yekodhdhu mallay aahxe malettay olho pile yenatayuka. ¹⁴ Husa mallay Iyesuse karkosi belesetena hasi napayi: “Ĥaynu koru qhawho yaħaka ini hela awshitako haahi yi’u!” Ihasa payina kolladhambawhe olisaasi i’apaqhe.



Karko belesate payyo husi

Iyesuse Koro Manne K’ulk’ullawhatena Moore Ħorqadhaasiki Lihhasi

([☞ Mat. 21:12-17](#); [☞ Luk’. 19:45-48](#); [☞ Yoh. 2:13-22](#))

¹⁵ Iyyerusaleme kulaki okaye, Iyyesuseka ohinte Manne Hallikito kitteemi ħullipa koro moore lasadhapa isihorqadhasi lihhase paayu; koro kodhatte oohadana t’arabheesadhe, koro ŧalalo lasadhana ŧakkatadhe nalallaaqoy. ¹⁶ Qhawho to’okoka homahxato dhooqhadhapa isiqinte Manne Halliko K’ulk’ullititona kittate liqe wo’anu yenufak’adhika. ¹⁷ Hasaka payupa usundhe kollisu: “‹Manne Hayyu warsho kaasanu manne qissootate kipayame› olo paayupa atooĥoy? Naqharray hune horro sarambawhe nabhadhdhame akotte.”*

¹⁸ Ħhasa ŧalladhana rafisambawhessi k’eesadheetepa kollisambawhe Higgatte qhooti

abaqhe maallay qhamu malaala poqnenu isinnaonke qeeʼadha, waarsho kaasay kollingo huusuttay qhoota idhdhahxhxi maallay iqaabe.

¹⁹ Hayto iʼawnuyi tubettay Iyyesusepa kolladhambawhe huusu katamana kittate illiqe.

Kollingo Karko Belesatena Tayami

([☞Mat. 21:20-22](#))

²⁰ Haqhayna singatto isanoʼita ashshankina karkosi belesate kalla hissenuki haḥawipa hiʼongi.

²¹ Peʼiurooseka olhosisi ihelataayipa Iyesusena hasa payu: “Ii! Kollisambako hayyu, ata kulay karkosi belesate aqhicʼiti ihaḥawi!”

²² Iyesuseka iholipa hasa napayu: “Hallikosi dhukkaysadha. ²³ Dhuke anhune ʼalli, qhawho yaḥakaki kodhdhinipa saʼagottay dhukaysadhupa yeheqadhu male qubuna: <Ḥaytuna roppamipa ashshoy kala paso kitta hatabamay> napayu payni innukodhdhamana. ²⁴ Husa maallay olho aqissate kaasay qhama akkatesa kotepa dhukaysadhangu payni ihune kodhdhamanna. ²⁵ Paapo haahundhi moontito ʼaaka cʼuppo haahundhisi qhamu hune hxurrinu hunekka aqisootenu shikkaartena qhawho yaḥaka hohunena dhappi isiʼaqa payni hxurako nukodha.” ²⁶ [“Naqharray apayini huneki dhappite korossi huni hxurte payni Paapo haahundhi moontito ʼaakaka cʼuppo haahundhisi yehune hxurrika.”]

Iyesuse Humna Hunkattay Qhamu Kodhadhi Kaaʼita Kasʼo Iiʼuyi

([☞Mat. 21:23-27](#); [☞Lukʼ. 20:1-8](#))

²⁷ Iholepa karo Iyyerusalamate kula okayongi, Iyesuseka isi Manne Hallikito kaʼita lallaqamana rafisambawhe kʼeesadheete pa kollisambawhe Higgatte pana ḥaadhiqe Uso kulaki okayepa ²⁸ hasa payongipa kasʼadhongi: “Oli kaasay humna hunkataki akotti? Qhama kontinu yaḥa hohumnisa teeḥi?”

²⁹ Iyesuseka hasi napayi: “Anoka kasʼo tookko anhune kasʼanni; huneka yeholasa, Anoka oli hasa liqoomasi humna hunkattay qhama kodhisa anhune ʼallina.

³⁰ Shoḥatte Yohannise moontiki okaytim korito kanta? Into yeholasa.”

³¹ Usundheka hasi payepa illena laaqadhongi: “‹Moontiki okayti› kannapayni payti ‹Eepa moonu isihuni dhukkaysadhongu?› Ki’inena payni. ³² Emma ‹Korito kanta› kannapaynaani?” Qhamu yehasa payinenu waarsho kaasay Yohannisesi hxuumambako dhukatesa qhooti dhihadhe maallay iqaabe. ³³ Husa maallay: “Ini’arrika” kipayepa Iyesusenu holasongi.


Iyesuseka innapayina: “Lammi Anoka humna hungattay qhama oli kaasasi kodhisa anuhune fallinika.”

12

Qhotampawhesi Pasho Dhishto Weynate Hxayyansadhena Liqno Huusundhi

([☞Mat. 21:33-46](#); [☞Luk. 20:9-19](#))

¹ Nakaleemaka Iyesuse hasi payipa liqnottay oliisi fale paayu: “Qhawho to’onki dhishto weynate dhishadhi, usoka pashosi dhishto weynateesi ohinupa hxohxono awsho weynate anat’iibnisika qhotopa qarisu, tayho ti’iteteka naqubadhu. Haysa tubettay pashosi dhishto weynateesi koro qhotadhanu hxayyupa piyye pilatte kula ashshoy.



Dhishto weynate

²“Hingesi ana’awsho weynate yuuti ihxaftina qhamu ashshinipa awshosi weynate nu’akunu kodhanbako huususi korossi qhotadha kula eragu. ³Naqharray usundhe iqabepa tubhbhongipa henefitte hela qorongi.

⁴“Hantuka holupa kodhambako pileesi eragu, korossi qhotadhaka pukaŕate innapaysheesepa palamisongi.

⁵“Nakaleemaka ipilesi eragina ippoqe; hekisha i’erakina tookkesi itubhbhe, tookkesi ipaahe.

⁶“Hantuka qhawho i’hollipa eraguki sheeqi, ususaka mi’ayesi huusu i’c’ikadhi. <Mi’aye hayyusi ikaanasnangi.> Kippayipa dhikattate usoosi eragu.

⁷“Naqharray korosi qhotadha hasi payepa: <Husi kulay dhaŕhaalmako huusuye. Okayapa poqnipa pashusakka i’ineesi haqha.> ⁸Husa mallay qabongipa poqongi, pashosi dhishto weynatena kittate lihasongipa k’uroongi.

⁹“Lammi paapusa pasho dhishto weynatena mukonni? Uso i’okayna qhotambawhisaasi bheqhupa dhishtusa weynateesika koro pilenu teeŕu. ¹⁰K’aalessi ma’afa k’ulk’ullito kittate iyyana:

<Awrukossi koro manne qubhadha iishi iholi
awruko dhikita homanne qaba kodhdhu. *

¹¹Olisakka kodhmo Poqolhito,
ehxhe haanina mintateka dhahxhoote i’kkodhdhi.>”

¹²Liqnusa i’ŕalladhi qhamu usundheesi ŕallisa i’ubadhe maallay qabe innawo’e, naqharray waarshosiki qaabepa hxuroongipa ashshongi.

Kasfo Qhoota K’eesarenu Gibirro Qhaqhe Kaa’ita Iit’uyi

([Mat. 22:15-22](#); [Luk’. 20:20-26](#))

¹³Iyesuse olhu ŕalladhittay Uso ŕalafenuki Feresawadhepa koro Herodisena kittate koro tookko tookko nakula erake. ¹⁴Okayongipa hasa napayoongi: “Kollisambako haani, Ato qhama qhawho dhukate kodhdhitisa anhoaraani, miinte qhawhito eemetay yaŕanuka atuliqatika, dhuke onke Hallikitoosika koro kollisti. Emma K’eesarenu^r gibirro kappare iqeeŕasam yeqeeŕasti? Anteeŕnanim andhawrinani?”

¹⁵Ine ankapparaanin inikappare, naqharray Iyesuse hepasese tusundhiisiki

inna'aripa hasa napayu: “Moonuka ayyela t'ilfa qee'ate? Into santibe tootettay okayapa yehi'asangu.”



Husi saantibe dinarate

¹⁶ Usundheka santibe anadinaare payitaki nuokaye, Usoka hasi napayipa kas'adhu: “Qhawho santibina ŷaqa yaħaasiki liqi, makaħko santibissa atooħi haaħa?” Usundheka innapayena: “hoK'eesare.”

¹⁷ Iyyesuseka hasi payipa nuholasu: “hoK'eesaresi K'eesarenu teeħa, hoHallikitoosika Hallikonu teeħa” Usundheka ŷallitesi innuholasittay idhdhahxhe.

Kas'fo Qhoota Ha'famaako Koro Farrina Kaa'ita Iit'uyi

([☞Mat. 22:23-33](#); [☞Luk'. 20:27-40](#))

¹⁸ Haysa tubettay Seduk'awadhesi, payana koro farri ha'famaako yesheeqina kittate koro tookko tookko Iyesuse kulaki okayepa hasa napayoongipa kas'adhongi:

¹⁹ “Kollisambako haani, Muuse kulay hasi payipa tooħoy: <Qhawho tookko naħaye akipa mi'aye yedhalunna faru payni ŷaso huusu innaħayisana ħullapa qhawhusa farinu sanynye qa'ŷu.>” ²⁰ Eepa lammi manne tokkate shambho taħħanki ŷaqa, usundhisana kittate qharungo naħaye i'akkipa yesanynye qa'ŷuna faru. ²¹ Honakala ŷaqaqa naħullapa yemi'aye nadhaluna faru; ho'ishakka qhamusa kulaki kodhi. ²² Shambhidhe taħħanisi onke hasa liqattaki naħuħulepa sanynye yeqa'ŷongina farrongi, dhikkatate ħiskatosika usundhe kaasay tubettay ifarti. ²³ Lammi usundhisa taħħan qhooti a'akke

kuyaŕago koro farri haŕina naŕaye taahaki kodhdhinti?”

²⁴ Iyesuseka hasi payipa nuholasu:

“Hune Mat’affe K’ulk’ullawhe pa humna Hallikitoosi qhooti huni arte maallaki adhdhadhapite ŕandhi? ²⁵ Koro farri ihaŕi payni qhamo erkambatadhe moontito kulaki kodhdhini dhiishay ye’akkini, ye’akkannika. ²⁶ Naqharray qhoota haŕamako koro farrina kaa’ita Halliko hatte qusakitona kittate sabinattay Muusema mo’o qhamo innaŕaladhiisi Mat’aafa Muusena kittate huni napabonku intaa? Hussaka Halliko hasi payi: <Ano Waako Abrehamepa Waako Yisak’e pana Waako Yaik’oobe.> ²⁷ Husa maallay Halliko Waako hokoro ŕaqitona dhiishey hokoro farrina ŕandhika; naqharray hune uuma adhdhadhapite.”

Hayo Kaasanu Qula

([☞Mat. 22:34-40](#); [☞Luk’. 10:25-28](#))

²⁸ Pille tamakadhana kollisambawhe Higgatena kittate qhawho tookko abaqhi, Iyesuse qhamu onke heesattay usundheesi holasisi i’aripa Iyesuse kula i’it’uyupa hasa napayupa kasŕadhu: “Hayo hayidhe kaasanu qula hunka?”

²⁹ Iyyesuseka hasi payipa nuholasu: “Hayo hayidhe kaasanu qula haadhi husi: <Isiraele abaqhasa! Poqolho Halliko haani, Poqolho to’oko; ³⁰ Atoka Halliko Poqolho haahuusi saŕago haahu dhukatettay, nabse taahu dhukatettay, qadhgo haahu dhukatettay, humna haahu dhukatettay c’igadha.> * ³¹ Holankaka haadhi husi: <Qormitto haahuusi qhamo pukaŕate taahu kula c’igadha.> * Hayidhi lakkinu hoqula pilako yeŕaqika”.

³² Kollisambakosi Higgateka Iyyesusena hasi napayi:

“Kollisambako hayyu olisa aŕaliti iheesa, husa a’itina Halliko to’oko malettay pile yeŕaqi dhuke. ³³ Usoosi saŕago huusu dhukatettay, nuno haahu dhukatettay, nabse taahu dhukatettay, qadhgo haahu dhukatettay, humna haahu dhukatettay c’igadha, holupa qormitto haahusika pukaŕate taahu kula c’igadha, teeŕako adhili pana tiibate pile Hallikonu it’oosate kaanta hayu lakkissi tiŕitadhe iqula.”

³⁴ Iyesuseka kollisambakosi Higgatte qhamu taayhottay nuholasisi ihi’ipa hasa

napayu: “Ato qhawho, Ahxase Hallikitona kalla sikaabuyti fandhika.”

Haysa tubettay qhawho yahaka hoUso kasfadhenu shahxumi yefaqika.

Kristoose Mi'aye Haaña?

([Mat. 22:41-46](#); [Luk'. 20:41-46](#))

³⁵ Iyesuse immanne Hallikitona qintate koro kollisana hasi payipa kasfadhu:

“Keeni kollisambawhe Higgatte moonuki payenna <Kristoose mi'aye Dawite>? ³⁶ Dawite innasso K'ulk'ullottay falladhana: <Halliko Poqolho hayyuna innapayina baragaradhe haahuusi luqqe haahu kalay haga laaqni saasa yela miskitto koray fakkadh.> * ³⁷ Eemma Dawite pukaƒate tuusuna Poqolho kinnapayi payini mali mi'aye huusu kodhdhe alkasni?”

Ihasa falladhana waarsho kishaka hxasotaki abaqhasi.

Kollisambawhe Higgatapa Feresawadheete Kalla Hetifitadhe

([Mat. 23:1-36](#); [Luk'. 20:45-47](#))

³⁸ Ikollisana hasi payi: “Helalladhe sigaabooma urkeesadhapa isihayto kaasay ashshango wo'a pa hayto mooratenaka isihasatto c'ikadha kollisambawhe Higgatena kalla hetifitadhidha. ³⁹ Holupa usunde manne qissootatena kallaka hayto kaanasami, manne anayi'o qarisinaka fakkate kaanasamti qeeƒe. ⁴⁰ Koronu hehi'asenuka qissoote tuusundhiisi isisikapoosanki, mannadhe hiske tiire nafaritinaki heneƒe kodhe, korusa qhaqhite maqaki akkanni.”

Hiskatosi Tiirakko Nafarina Teehako Tiisi

([Luk'. 21:1-4](#))

⁴¹ Iyesuseka Manne K'ulk'ulawhatena saat'ine ana tehako teehi minteemi fakkadhipa waarsho isaf'inema kodhatte yakana isieema; shorokke kishay kodhatte dhamma kinnaayake. ⁴² Hiskato teekolate te'irako nafari okayipa pakkanadhe lakkissi nakitteema yaki.

⁴³ Iyesuse kolladhambawhe huususi i'ooƒipa hasa napayu: “Dhuke anhune falli koru sa'ine kitteema kodhatte yaki kaasana kaanta hiskato teekolati tiirakko nafari

iqulastipa nakitta yaki. ⁴⁴ Momalla payni koro kaasay olhu sheeqinaki qhootipa hohaahiisi teeḥu, ise kabay inni teekolate kodhdhitina olho to'okoka yenaahasunnaki olhu sheeqti kaasasi akkitipa helateḥ”.

13

Milikitadhe Perre Dhikkatatena

([☞Mat. 24;](#) [☞Luk. 21:5-36](#))

¹ Immanne K'ulk'ulawhatte qintate liqeete ṡaqana kolladhambawhe huusuna kittate tookko hasi napayi: “Kollisambako hayyu, into awruqipa manni awruqettay aqupadhi qhamu ikoro dhahxhiseesi eema.” ² Iyesuseka hasi payipa nuholasu: “Mannadhi kaanoma awruqetay aqubadhiisi ahiaay? Awruqisa a'ille sappeema teeli yepullamongina yehasa haqhne.”

³ Iyesuse Qubosi Ekerkito Manne K'ulk'ulawhatena mintate ṡaqana sappeete iṡakkadhana Peṡiroose pa Yaik'oobe pa Yohanise pana Indriyaase pattaki Uso kula okayipa kasṡadhongi. ⁴ “Into ine ṡalli olisa paraki kodhdhamani? It'uye dhikkate olisana milikite mootaka anarraani?” ⁵ Iyesuseka hasi napaye paayyi: “Yaḥaka qhamu yehune dhappisninu hetifitadhindha! ⁶ Koro kisha paynana <Ano Kristoose> pa makaḥko hayyuttay okayupa koro kishaasi dhappisu, ⁷ Qhoota orḥangito pa ote orḥangitoosi a'apaqhte payni olomuruke, olina kodhdhamadhe naqeeṡama, ikodhdhitama kabay dhikkate yetaamuye. ⁸ Waarshoka waarshoomi haṡani, mangisteka mangisteemi haṡinti; piyyaadhe ṡawni ṡawnina titito pa laaṡe kodhdhamanna, olissa kaasay qhuqhayte payyootate. ⁹ Hune pukaṡate taahundhina hetifitadhindha, heqhaqhite qhaqhanuki likkasnepa hune teeḥongi; mannadhe huusundhi qissootatena kallaka ihune tutubhina, qhamana misikire kodhdhintenu qhoota Hayyu maallay rafisambawhe pa nigusadhe minteemaka ashikarangu. ¹⁰ Kabay olisa kaasay yekodhdhamadhuna qhara'ita wengelesi waarsho piyye qha'ete ṡaqa kaasanu torruepa dhaqapoose qeeṡasa. ¹¹ Hinge koro hune qappi pa qhaqhitenu hune it'oosuna olopayenna ata mo'o anṡallannani pa isaqharriteema rakadhanguma hoṡallana Nasso K'ulk'ullo dhiishay hune ṡandhika, hussa maallay saatisana olho Uso

hune teeñi patta falladha. ¹² Qharungo faso huususi paapoka mi'aye huususi fartenuki likkasnipa teeñu, mi'aadheka ahxkaadhe huusundhisa maqno iha'isnepa paañongi.

¹³ Qhoota makañko Hayyu maallay koro kaasaki hune shikkina, naqharray qhawho haga dhikkate saasa kokisadhi uso dhinna.

¹⁴ “Apayni <lokmesi koro patisnaki> * yeusundhe qee'asisa shikkaaripa hi'angu payni; qhawho nappaba ihela taaya! Hingisana koro piyye Yihudanna faqa ikkaro quppeete qoradha. ¹⁵ Qhawho manneete sappeete faqaka i'odhdhe hxura, maahxato manneete kalla faqaasika akkenu manne kala inni hullu. ¹⁶ Qhawho pashito faqaka lalle akkadheni manne kula inni hollu. ¹⁷ Hingisana yayadhdhe sheeqoma pa hemi'aadhe shurrasha iheoyadhe! ¹⁸ Naqharry qoradhe taahundhi katango kitteema qhamu yekodhdhintinu qissadha. ¹⁹ Kuya'isana rakko haña Halliko hagi uumata uuminu paayyati haga hantu saasa olho abari yekodhdhamadhu pa karo miinateka yekodhdhamaniki kodhdhamanna. ²⁰ Poqolhoki kuya'isaasi yemahxnaisu payni ahxay qhawho dhinna ye'faqnika, emma kabay korusa Uso qholadhi maallaki kuya'isaasi immahxnaisi. ²¹ Hingisana yañakaki hunena payina <Haadhi Kristoose hassi faqi> taakinti <Haysa koranaki faqi> payni olodhukaysadhe. ²² Momalla payni kristoosadhe ayya pa hxuumambawhe ayyaki ha'ana innu alkasama payni hessi qholamesikaki dhappisenu milikitaadhepa dhahxhxootaadhi konne. ²³ Husa maallay hetifitadhindhama olho kaasasi anintoosipa hune fallaye.

Kristoosena Lanka Okaye Tuusu

[\(☞ Mat. 24:29-35; ☞ Luk'. 21:25-33\)](#)

²⁴ “Kuya'issa rakkito tubettay oqhaye i'imnay, lee'oka hammako huususi yeteeñnika. ²⁵ Huske moontitoka ihayyina, humnaadhe moontitoka illelehnangi. ²⁶ Hinkisana Ano Mi'aye Qhawhito humna pa kaanaste dhammattaki anurratta qutu okayaanaki iyyehiine. ²⁷ Hingisana Uso erkambatadhe huususiki eragni, usundheka hayto salañtaki ashshinepa korossi Usoosi qholamiisi haga piyyatte hinaasenu moontito hinaase saasa faqaasi illeema holasongi.

²⁸ “Liqnoosi karko belesatena kolladha; apayni qharre hiisiki nafuc'ukipa aahxeka namartañongi payni hingisana oybako^s qhamu it'uyisa a'arrangu. ²⁹ Qhamusa kula

olisa kodhdamadha ahiite payni okaye Ano Mi'aye Qhawhitona uuma qhamu manqaheema i'uytisa arindha. ³⁰ Dhuke anhune f'alli, oli kaasay hagi dhikkani saasa dhalati yeliqinika. ³¹ Moonto pa piyye issarpina, naqharray K'aale tayyu mo'okaki payni yesarpintika.”

Kuyaƴagopa Saatisay Huni Arte

([☞Mat. 24:36-44](#))

³² “Naqharray qhoota kuyaƴagusa pa saatisa kaa'ita Paapo malettay erkambatadhe moontitoka ikodhdhe Mi'ayeka ikodhdha yaħaka hoara yeƴaqika. ³³ Kuyaƴagusa paray qhamu kodhdhisa qhoota huniarte mallay kokisadhapa tiƴitadhongu. ³⁴ Hussaka qhawho aylaadhe huusunu kodhmo qhootipa manne huususika namaraupa, qhawho manne tiƴadhaka qhamo ikkokinipa tiƴadhonu hayupa piyye pile kula ashshosiki liqi. ³⁵ Husa mallay paapo manneete saate innaƴaaknisi qhoota huniarte mallay ubhadhapa tiƴitadongu; yaħaraka ƴawwo, taakinti parakitte, taakinti lukkale ƴuugana taakinti singatto awnetaki okayni; ³⁶ tutuppe i'okayina herafa qhamu huni kodhdhintepa hune tayyunu kokisadha. ³⁷ Qhamu anhunesi ƴalli kula koro kaasanaka kokisadha anata iyyi.”

14

Iyesusesi Shittottaka Shiini

([☞Mat. 26:1-13](#); [☞Yoh. 12:1-8](#))

¹ Baalesi Faasikayka pa teDhilangito* kaanasenu kuyaƴago lakki haqhina rafisambawhe k'eesadheete pa kollisambawhe higgateka Iyesusesi qhamo iqqabnepa dhohmuntettay poqonkinuki onke naqeeƴadhe. ² “Naqharray waarsho paqhato haƴisna” kipayepa kuyaƴago baalatena kodheesi helahxuroongi.



Piyye Isiraelatena ayi'o yi'ana qhamu amala fakkadhi

³ Usoka qhawhossi qodhdhe Bitaniyana faaka qharo lemt'e nafaqti ho Simioonena manneeti faqi, yiitosika anuif'osupa isiyiana yayyite toote shitto hoanapay nardhoose ho'uuma heesa hortu huusuka uuma nashooshipa osho'onoka nahoqhusiki bilk'atesi awruko albast'rosena akodhittay dhooqhtipa okayittay, bilk'atesisi qhaashenu amo naqondhipa Iyyesusena puka'ate sappeema na'elisi. ⁴  Korossi haytusana faqana kittate tookke tookke hasi payepa miiroodhongi: "Shittussa olhu namaallay latu hasa harkishami mo'o?" ⁵  Hantu shittuusi dinaare pirre dhippa izzañ naquta saamaka lasipa kodhattisasi ahiyyawhenu aqhootopayni mo'o maalla payina" ki'llena papayepa hiskatosisi meetuyongi.

⁶ Naqharray Iyesuse hasi napayi: "Hxura! Muhhune kontipa isarakisangu? Ise kulay olho heesa iyyekotiye. ⁷ Hiyyawhe kuyaf'fe kaasay qhooti hune fale qayyine maallay usundheesi kuyaf'ago awoote kaasay k'ark'arresi a'alkasnangu, naqharray Ano kuyaf'fe kaasay hune fale anuqayyinika. ⁸ Yayyiti olho nu'alkasamaasiki ikotti; pishko hayyusika maayte qhara'ita qariseni shittottay shiini. ⁹ Dhuke anhune falli, ote heesasi apiyye qhaat'e kaasay torruiyana oli hiskatu kotti qhoota hiisi helataayenu

atorruyna”.

Yihuda Iyesuse likkasenu qhamu rafisambawhe k’eesadheete fale qari

([Mat. 26:14-16](#); [Luk. 22:3-6](#))

¹⁰ Kolladhambawhesi hudhdhanpa lakkina kittate tookko kodhdha Yihuda Ask’oroottay Iyesusesi likkasepa teeñenu karo rafisambawhe k’eesadheete kulaki ashshi. ¹¹ Usundheka i’olissa apaqhenna ihxasoodhepa kodhatte nuteeñenu kipponu teeñongi, usoka Iyesusesi likkasepa teeñenu kuyaŕago nuqarraasi isitiŕitadha.

Esse Poqolhito

([Mat. 26:17-25](#); [Luk. 22:7-24](#); [21-23](#); [Yoh. 13:21-30](#))

¹² Baalesi Dhilangito ana Orpo faasika saqhina kuyaŕago payyotatena kolladhambawhe Iyesuse kulaki okayepa hasa napayoongi: “Esse baale Faasikasi ahaama ashshinaani hoqarisaanika wooti?”

¹³ Usoka kolladhambawhe huusuna kittate qhawho lakkina hasi napayipa eragu: “Katama kula ashshindha, haahaka qhawho siqtettay ŕandhe dhooqhasa alliqinteye Uso kaleema ashshindha. ¹⁴ Mannissa Uso naamaqina paapo manneetena hasa payangu: <Kollisambako i’iyana, mannesi manneete kittate hayhitito qandhaŕa Yeesi qarrapa kolladhambawhe hayyu illay isanna esse Faasika yiinani hinka?> ¹⁵ Usoka mannesi manneete sappeete ŕaqa qandhaŕa aqarisipa anaŕafte ŕafusiki hune hi’aasniye haama ine qarisa.”



Mannesi manneete sappeete faqa

¹⁶ Kolladhambawhesika katamasi kulaki ashshepa qhamosi Iyesuse nuḥalli kula i'ashshepa nahxafongi, yi'osi Faasikaasika haama qarisongi.

¹⁷ Hayto i'awnuyina Iyesuse kolladhambawhesi hudhdhanpa lakki ḥali okayi.

¹⁸ Iyyiito yiangina hasi napayi: “Dhuke anhune ḥalli; hunisa yeḥale yiito yiana kittate qhawho tookko illikasnapa yeteeḥu, qhawhusaka hantu yeḥali esse yi'i.” ¹⁹ Usundhe

kaasanuki dhakaatipa pukaḥate pukaḥateema isihasa papayangi: “Ata ano ankodhdhinim?” ²⁰ Usoka hasi napayi: “Qhawhusaka hunisa hudhdhanpa lakkina kittate tookko ikodhdhipa haadhi hantu yeḥale taanko kula isiḥarqo oodhasaki uso;

²¹ Ano Mi'aye Qhawhito qhamosi aqhoota hayyu tooḥi kula anfarra, naqharray qhawhusa Ano Mi'aye Qhawhitoosi likkasnapa yeteeḥu iheooyi! Qhawhusa yedhaladhu payniki nuwoyya.”

²² Iyyangina Iyesuse dhilantako i'akkipa kalataysadhu, qoodhupa kolladhambawhe huusuna hasa paayupa nuteeḥu:

“Haadhi husi sagango hayyu.” ²³ Shullo akkupa ikalataysadhi tubettay hasa payupa nuteeḥu: haadhi hune kaasay naḥuka, ²⁴ holu hasa napayu: “Hadhi husi k'eqhtesi tayyu koro kisha maallay ellay katabe qhawtitte. ²⁵ Dhuke anhune

Ƨalli: Ahxase Hallikitona awshosi aweyne qhawtitate Ƨiibisi hagan Ƨugni saasa haynu koru lanka Ƨugtisi anuƧugni.”



Awsho weynate

²⁶ Ikoladhe tubettay iʿashshepa Qubo Ekerkito sappeema hadhdhongi.

Iyesuse Petʿiroose qhamu Uso marmani iƧalli

([⌘Mat. 26:31-35](#); [⌘Lukʹ. 22:31-34](#); [⌘Yoh. 13:36-38](#))

²⁷ Iyesuseka hasi napayi: “Qhamossi apayna <Koshitosi anshoqhnapa Ƨemme irpangosika illena kalla pullamongi>* kula hune kaasay kallabgunna ayyemarmanangu. ²⁸ Naqharray fartate anhaƧi tubettay piyye Gelilasa anhune intawni.”

²⁹ Petʿirooseka hasi napayi: “Hisi kaasaki hohxurrapa qoradhongi kaki payni naqharray ano anuhohxuri.”

³⁰ Iyyesuseka hasi napayi: “Dhuke anho Ƨalli, haani Kallapu awne lukkalako lakkittay yeƧuuquna qharaʿita tara izzaḥki aye marmadhinti.” ³¹ Petʿirooseka ikokisipa napayu: “Fartekaki kodhdhinti payni anho Ƨale farra dhiishey moʿokaki payni anuho marmanika.” Kolladhambawhe tokkeka kaasaka isihasa kodhdha.

Iyesuse Qhamu Ḥayto Getesemaanesa Qissadhi

([⌘Mat. 26:36-46](#); [⌘Lukʹ. 22:39-46](#))

³² Ḥaysa tubettay ḥayto Getesemaane anapayi kulaki ashshe, Iyesuseka kolladhambawhatte innapayna: “Hune ḥaysa qayyindhama Ano anashshina qissadhaye.”

³³ Pet'iroosepa Yaik'oobe pana Yohanisesiki hekala oo'fipa ashshoy azanepa c'anak'ame paayyu. ³⁴ Holuppa hasa napayu: “Hagan fari saasa nabse tayyu uumi azanti, hassasa qayyindhapa kokisadhangu.”

³⁵ Takkassay usundhena kalla hiqqupa piyyeema qulladhupa i'alkasamna payni saatisay qhamo innasarpintinu hasa payupa qissadhu: ³⁶ “Appa Appa, Hossi olho kaasay i'hoalkasamaye. Haadhi shullu rakkitoosi yela mintate akki; naqharray wo'ogo hayyu f'andhima haahu yekkodhdha”.

³⁷ Iholi okayunna hepi'aadhesi hxafi, hussa maallay Pet'iroosena hasa payu: “Ata Simioone, api'aati? Malaala saate to'otekaki kokisadhe malaalti?” ³⁸ “Temmateema qhamu huni hullintenu kokisadhapa qissadhangu; nasso iqarima sagango tardhambako.”

³⁹ Iholi ashshopa qissootesi paayyootema qissadhina holupa qissadhu.

⁴⁰ Holupa innakula holina ehxhxe huusundhi pi'atetaki naqapame mallay hepi'aadhesi hxafi. Olhunu holasesika yehela sheeqe. ⁴¹ Iholi tara izha holupa hasa napayu: “Tannu helarafapa hxaysadhangu! Ikodhdhiti, haadhi saatesi ihxafti, Ano Mi'aye Qhawhito harqqe c'uppolawhatesa ayelikasnipa yeteehu. ⁴² Qhawhosi likkasnapa yeteehuka i'okaayaye; ha'fapa ashshini”.

Qabame Iyesuse

([☞ Mat. 26:47-56](#); [☞ Luk'. 22:47-53](#); [☞ Yoh. 18:3-12](#))

⁴³ Iyesuse f'allitessisi haannay yedhikisunna kolladhambawhesi huusu hudhdhanpa lakkina kittate qhawhossi Yihuda anapay minakalte okayi. Uso f'aleka koro kisha hopillawaadhapa dhaymidhdhe dhooqhadhi f'afa; korusaasika rafisambawhe k'eesadheetepa kollisambawhe higgatte pana haadhiqe piyyatte usundhe eragi.

⁴⁴ Hosi likkasnapa tee'hu korossinna inapayi: “Qhawhusa ammayini usoye Usoosi qaba pa kokkisangupa ashshonguttay” kinapaypa nugudhu.

⁴⁵ Usoka minakalti Iyesuse kula it'uyipa: “Kollisambako hayyu!” Napayupa mayyu.

⁴⁶ Korossika Iyesusesi iqabipa shapu. ⁴⁷ Korossi haytusana shikkaarana kittate tookko pilawwosiki yukipa kodhambako k'esito k'eesadheete qulana qhamte qo'hu.

⁴⁸ Iyesuseka hasi napayi: “Qhamo qhawho koro sara aqabi kulaki ayyeqabenu

pillawaadhe pa dhaymidhdhe dhooqhatepa hxafoongu? ⁴⁹ Ammanne K'ulk'ulawhatte kuyaŕago kaasay hune kollisapa isanhune ŕale  ŕaakana huniye qabongu; naqharray husi K'aalesi Mat'aafe K'ulk'ullawhate kittate ŕaqaki dhikkadha.”

⁵⁰ Kolladhambawhesi huusu kaasaka i'Uso hxurepa qoradhongi. ⁵¹ Pongorito tookko holaalle urkuyipa isi Iyesuse kaleema ashsha ŕaqa korossi Usoosi qabna ⁵² pongoritosika lalle tuususi ihela k'uripa heneŕite sorruppa pinnu.

Iyesuse Qhaqhitenuki Iit'uyi

([Mat. 26:57-68](#); [Luk'. 22:54-55](#); [22:63-71](#); [Yoh. 18:13-14](#); [18:19-24](#))

⁵³ Iyesusesi karo manne k'esito k'eesadheete qula kulaki ashshettay, ĥaytusanaka rafisambawhe k'eesadheetepa ĥaadhiqe pana kollisambawhe higgatte kaasaki haamate illaholi. ⁵⁴ Pet'iroose ikkeetipa sikaabnonu isinnakala ashshapa k'esitosi k'eesadhe kaasanu qulana manneete naŕale hxafoy. Immannesinna hxafina korosi mannissa tiŕadha kapeemi ŕakkadhipa isi hatte folsadha. ⁵⁵ Rafisambawhe k'eesadheete pa Korossi-Qhaqhite-Qhaqha kaasay qhamu poqnenu Iyesusema misikiradhe qeeŕe, naqharray yetayonki. ⁵⁶ Koro kishaka ayadhe innamasakari, ikodhdhitama kabay misikirungo huusundhi ye'ille liqi.

⁵⁷ Koro tookko tookko ihaŕipa hasa paayupa ayyadhe naamasakaru: ⁵⁸ “Qhawhu iyyana: <Ano Manne K'ulk'ulawhi aĥarqe qhawhitottay qubhadhiisi anpullapa hola kuyaŕago izzĥasa pilawhe heĥarqo qhawhito yequbhadhusi qubadha.>ipayanaka abaqhni.” ⁵⁹ Ikodhdhitama kabay misikirungo huusundhi ye'ille liqika.

⁶⁰ K'esitosi k'eesadhe kaasanu qula usundhe minteemi haŕi shikkaarupa hasa payu pa Iyesusesi kasŕadhu: “Olho koru hooma ŕalli kaasana olho to'okoka atuholasinti?”

⁶¹ Naqharray Uso ik'ambayima olho to'okoka yenuholasu. Hantuka k'esitosi k'eesadhe kaasanu qula hasi payipa Uso kasŕadhu: “Ato Hallikoosi Sakamina Mi'aye Huusu Kristoose?” ⁶² Iyyesuseka innapayina:

“Ee Ano Mi'aye Qhawhitoka Haĥnottay miskitto Hallikito kaaŕila anŕakadhanaki ayehi'intengu. Holupa amontiki urratettay holipa isanokayanaka ayyehinagu.”

⁶³ K'esitosi k'eesadhe kaasanu qulaka lalle tuusu i'hela kaaŕipa hasa payu: “Ĥaynu

koru misikiraadhe pile hemoyto ine qeeʼasa? ⁶⁴ Haadhi lammi dhaqqasato hasa liqaasi iʼHalikooma ʼalladhana aʼabaqhte; mali hune liqti?” Usundhe kaasay: “Farte Uso qeeʼasa!” Kipayepa nuholasoongi.

⁶⁵ Hingisana koro tookko waawi natuffe paayyi, ehxhdeka nashabogipa isitutubhapa isihasa napapaya: “Into hxuuma ʼalladh!” Kodhambawheka isikakanaʼasadhapa ashshongittay.

Petʼiroose Iyyesusesiki Marmadhi

[\(Mat. 26:69-75; Lukʼ. 22:56-62; Yoh. 18:15-18; 18:25-27\)](#)

⁶⁶ Petʼiroose ohintate karo kaluna iʼʼaana kodhambawhate kittate shette toote nakula okayi; ⁶⁷ Iseka Petʼiroose ihatte foolsadhanaki hiitipa tomoma eemopa hasa napayi: “Atoka Iyyesusesi Katama Naziratena ʼale aʼokayti ʼandhi.” ⁶⁸ Naqharray uso hasi paypa marmadhoy “Anuʼarika, Olho ʼallitika yeyehuli.” Isseeto kula liqina lukkalako hattaki ʼuuqi.

⁶⁹ Kodhambatesika iholti Petʼiroosesi lanka tayipa korossi haytusana shikkaarana hasa payi: “Qhawhuka kulay huusundhi!” ⁷⁰ Naqharray uso lankanaka iholi marmadhoy.

Iokoto salina korossi haytusana shikkaarana kittate qhawho tookko Petʼiroosena hasi napayi: “Ato qhamu aqhawho piyye Gelilana kodhdhitisa karay ʼallite taahuttay aʼuptamay maallay dhukeema ato huusundhi.”

⁷¹ Naqharray uso innapayna: “Qhawhusa aʼallitesi anuʼarika!” Pa pukaʼate tuusuna heqhiicʼepa agutadhe paayu.

⁷² Hattay lukkalako lankaki ʼuuqi. Petʼirooseka lukkalako iʼʼuqina kʼaalesi Iyesuse napayina “Lukkalako lakkittay yeʼuuquna qharaʼita izzahtaki ayemarmadhintisi” Ihela taayipa uuma ooyoy.

15

Iyyesusesi Akkepa Pilatʼoose Kula Ashshongittay

[\(Mat. 27:1-2; 11-14; Lukʼ. 23:1-5; Yoh. 18:28, 38\)](#)

¹ Singano awnettay rafisambawhe k'eesadheete haadhique pa kollisambawhe higgatte pana Koro-Qhaqhite-Qhaqha kaasay illay isuladhe tubettay Iyesusesi ishapepa ashshongi Pilat'oosenu likkasongipa teeḥongi. ² Pilat'ooseka Iyyesusena hasi napayupa kasḥadhu: “Ato Poqolho Ayihudatte?” Usoka innapayina: “Qhamusa ato payti kula.”

³ Rafisambawhe k'eesadheeteka olho kisha maallaki Uso kasase, ⁴ Pilat'ooseka iholi lanka hasa paayupa kasḥadhu: “Olho me'enu qhamo ahokasasisa eema! Ata olho to'okoka helaholasmu?” ⁵ Naqharray Iyesuse olho to'okoka qhooti yeholasu maallay Pilat'oose idhdhahxi.

Iyyesuseemate Qhaqhite Fartate Innaqhaqhe

([☞ Mat. 27:15-26](#); [☞ Luk'. 23:13-25](#); [☞ Yoh. 18:39-19:16](#))

⁶ Kuyaḥago baalatena koro shappamana kittate qhawhu waarsho kasḥadhiisi ishshiqe aata husu. ⁷ Hingisana qhawho Barbaane anapayi koro hokoroma maqno hafisipa koro poqopa isishabama ḥale shabami ḥaqa. ⁸ Waarshoka qhamosi kolladhi kula Pilat'oose kulaki iit'uyipa qhamu innuishiqninu kasḥadhu, ⁹ Pilat'ooseka hasi payipa nuholasu: “Poqolho Ayihudattesiki anishiqnipa hunexurana awo'angu?” ¹⁰ Olhu namaallay hasa payi, rafisambawhe k'eesadheete Iyesusesi yokunte maqattay qhamu likkasepa teeḥongisi qhooti ari maallay.

¹¹ Naqharray rafisambawhe k'eesadheete Usona kanta Barbaane qhamu ishqamninu Pilat'oose kasḥadhenuki waarsho nyarise, ¹² Pilat'ooseka iholi lanka hasa paayupa waarshosi kasḥadhu: “Lammi Poqolhu Ayihudattesi mala hune paasinika woote?”

¹³ Usudheka hasi payepa riirongi: “Mask'alako sappeema dhis!”

¹⁴ Pilat'ooseka innapayna: “Mo'o maallay ata? Olisa mudhappi?” Usundheka: “Dhis!” Kinnakodhdhepa uuma riirongi.

¹⁵ Pilat'ooseka waarsho hxaseesenuki payipa Barbanesi ishiqupa; naqharray Iyyesusesi tubhbasopa korossi dhisnanu likkasupa teeḥu.

Foolisadhe Iyyesusena Innaḥikke

([☞ Mat. 27:27-31](#); [☞ Yoh. 19:2-3](#))

¹⁶ Korossi orhangito Iyesusesi qhawhossi piyye rafisana manne huusuna qintesi Praytoriyon anapay kitteema hulleesongipa koro orhangito pile kaasasika ooſongi.

¹⁷ Lalle idhaasika urkeesongi, qhat'meka illamarongipa pukaſateema nuſadhdhongipa

¹⁸ isinnamiinta kakahapa isihasa nakodhdha: “Nigusa Ayihudatte, nagayho

ihokodhdha!” ¹⁹ Pukaſateesika hayrikottay natubhbhepa waaweka isinnatuffadhangi,

dhafkotaka naminteema ququlladhongipa nusagatongi. ²⁰ Inna balashoodhe tubettay

laallesi idhdhaasi innayukepa laalle tuusu urkeesongipa mask'alakooma dhisenu ashshongittay.



Pukaſate Poqolhitosa qhamuna qhat'maye mare.

Dhisame Iyesuse

[\(☞Mat. 27:32-44;](#) [☞Luk'. 23:26-43;](#) [☞Yoh. 19:17-27\)](#)

²¹ Paapo Aleksandrosepa hoRufose qhawho piyye K'erenanna hoSimioone anapayi hopiyye hinasetenu okaayasiki tayepa qhamu mask'alako Iyesusesi dhooqhninu kittesongi.

²² Hahanu Iyyesusesi akkepa hayto Pukaƣate qhawhito anapay Golgota kula ashshongittay. ²³ Karko rafa kerbe anapaysiki^t ƣajje weynatesa inulahxepa qhamu ƣugninu nuteehongi; naqharray Uso yeƣuku.

²⁴ Idhdhisepa laalladhe huusunaka it'a innak'uradhempa qhootadhongi*.

²⁵ Iyyesusesi singatto saate izzaħnaki dhise. ²⁶ Dhappite tuusu hi'aasenuka tooħe heiyana: Nigusa Ayihudattesiki innatooħe.

²⁷ Uso ƣaleka koro maqno kodhi qhawho lakkisi okaasongipa tokkosi miskitto kaaƣila tokosika piħato kaaƣila dhisoongi.

²⁸ [K'aalessi* paytina: "Maqampawhe ƣale dhihamipa hxuumatta ƣallami Onke hasa liqataki dhikkatti."]

²⁹ Koro onke'ita liqaka isiƣoosapa pukaƣaane husundhisika isinu lelehisapa isihasa napapaya: "Eheehe, Ato hossi Manne K'ulk'ulawhe pullapa kuyaƣago izzaħsa qubhadhay! ³⁰ Into mask'alakito odhdhipa hedhinisay!"

³¹ Qhamusa kula rafisambawhe k'eesadheetepa kollisambawhe higge Muusenaka inna palashoodha pa isiillena papayangina: "Koro pileesi idhdhinnisi; naqharray pukaƣate tuususi dhinise yealkasu! ³² Into Uso Nigusa Isiraelate Kristoose payni mask'alakito sappeete i'oodhdhama anUso dhukkaysanaaniye. hesi Uso ƣale dhisameka isidhaqisa.

Farte Iyesuse


[\(☞Mat. 27:45-56;](#) [☞Luk'. 23:44-49;](#) [☞Yoh. 19:28-30\)](#)

³³ Kuyaƣate saate tappinu paayyati haga saate kollan saasa piyye qhaat'e kaasaki tukkani. ³⁴ Saate kollan ihxaftina Iyesuse ikkitto dhammataki hasa payipa riiru: "Eloohē, Eloohē, laama sabak'taani!" Ishiqe tuusuka: "Waako hayyu, Waako hayyu! Moonuka yehxurti?".*

³⁵ Korosi haytusana shikkaarana kittate koro tookko i'olisaasi abaqhina ipayana:


“Haadhi Eliyaasi ooʻfi!” ³⁶ Usundhena kittateka qhawho tookko soripa olho saaqhe liqa akupa ʻugte makasha* kitta ʻadhuhupa qhamu ʻugninu hayrikooma qabsisupa Iyyesusenu teeʻhupa hasa payu: “Salapa qhamu Eliyaase okaynipa Uso odhasusi eemni!”

³⁷ Haysa tubettay Iyesuse ikkitto dhammataki riiripa nabse tuusuka naliqi.



Yesuse maskʻalako sappeemi dhisami

³⁸ Laallesi Manne Kʻulkʻulawhatte kittate akaratika qutapa kalasasi lakkisa illena kalla kaafamti.



Laallesi Manne Hallikitona akarati.

³⁹ Qhawhosi koro orhangito qhawho dhippa rafisa Iyesusena mintate shikkaara Iyesusena nabse tuusu qhamo immala naliqtisa ihi'ina ipayna: “Dhukeema qhawhu Mi'aye Hallikito!”

⁴⁰ Hingisana hiske hayto sikaabasi shikkaarepa isieemaki; usundhisana kittate Maryaame Katama Megdalapa yayye Yoosapa faso huusu teYayk'oobe Maryaame pana Saloome na'ale faqa. ⁴¹ Usundhisa Iyesuse ipiye Gelilana faqana, Hessi Uso kalla ashshapa isinukodhadha. Holupa heIyesuse fale Katama Iyyerusalame kula okaye hiske pilawhe hekishaki faqa.

Maayame Iyesuse

([☞Mat. 27:57-61](#); [☞Luk'. 23:50-56](#); [☞Yoh. 19:38-42](#))

⁴²  Olisakka kuya'ago hxaysingo koro Ayihudattenu anaqarsadhina kallabte ikodhdhamadhi ⁴³ Hingisana korosi Ayihudatte qhaqhite qhaqhana kittate qhawho tookko kodhdhi Yosefe anapay qhawho kaanasami Armatyanu okayi. Usoka qhawho

Ahaxse Hallikitoosi kippota tifiṭadha. Usoka yeqaabunaki Pilat’oose minteema iit’uyipa qhamu pukkaṣo Iyyesusesi anuteehninu kasṣadhu.

⁴⁴ Pilat’ooseka hasi payipa dhahxhxu: “Ata malali minakalte farri!” Qhawhosi koro orhangito qhawho dhippa rafisa ooṣupa hasa napayu: “Intaa iffarina i’oladhi?”

⁴⁵ Waannito foolisadhe dhippana iFfarte Iyyesusesi abaqhi tubettay Yosefe pukkaṣosiisi qhamu akkininu innufak’adhi.



Poose Poqolho Iyyesuse

⁴⁶ Lalle maaytatesika pitamupa mask’alakito sappeete ooṣasupa qhatt’u, laallesi maayatettay marupa awruko dhaṣamma hohawlenu aqhotipa aqarisusa maayu. Awruko dhaṣammaasika laaqa hawlesiisi k’uboy.

⁴⁷ Mariyaame Megdalawite pa Mariyaame yayye Yoosa qhamu ahangasa maayisiki eeme.

16

Iyyesusena Fartate Hafe Huusu

([☞Mat. 28:1-8](#); [☞Luk. 24:1-12](#); [☞Yoh. 20:1-10](#))

¹ Kuyaṣago hxaysingo koro Ayihudattena illiqi tubettay Maryaame katama

Megdalanapa Maryaame yayye Yaik’oobe pana Saloome illeƴali kodhdhepa pukkafo Iyyesusesi shiinenu shitto pitamoongi.

²Torpana kuyaƴago payyootatena singatto oqhaye liqqana hawle kula ashshongi.

³“Awrukusa hawleete sappeete ƴaqaasi yaħa ine laaqna?” ⁴Olhu namaallay hasa illena kodheka awrukusa qhooti uuma dhammi maallay; i’ƴila payepa emmadhongina awrukosi holaaqamiki hi’e.

⁵Ihawlesi kitteema ħullena qhawho pongorito holaalle piƴa urkuyipa karo miskitottay ƴakadhusiki hi’epa murrukongi.

⁶Usoka ħiskesina hasi napayi: “Olomurukema Iyesusesi Nazirate dhisami aqeƴete ihaƴi! Hasa yeƴaqika, ħaytosi anamaayika haadhi. ⁷Naqharray ashshindhapa kolladhanbawhe huusupa Pe’iroosena hasa payangupa nuƴallangu: <Piyye Gelila kulaki hune intawni; qhamosi i’ħune ƴalli kula haahaka Uso hiinte.>” ⁸Ĥiskesika immurrukepa innidhahxhapa isihotoladhana ħayto hawleetenu liqonkipa qoradhongi; qhooti uuma qaabe maallay yaħanuka olho to’okoka yeƴalonki.

Iyesuse Maryaamessi Katama Megdalanuki Armadhi

([☞Mat. 28:9-10](#); [☞Yoh. 20:11-18](#))

[⁹Iyyesuseka torpana kuyaƴago payyootatena singato iffartate haƴi tubettay paayyootema Maryaamessi Katama Megdalana tessi innanassidhe maqooma taħħan lihasinuki armadhe paayi.

¹⁰Iseka i’ashshitipa, hessi qharo Uso ƴale ƴaqa he’azanapa isiooyasa hxafopa hasa payipa nuƴalli. ¹¹“Iyesuse qhamu fartate haƴipa nabsetay isiƴaqasi ehxhxe hayyuttay anhi’i!” Usundhe kabay yedhukkaysadhongi.

Iyesuse Qhamu Kolladhambawhe Lakkinu Armadhi.

([☞Luk. 24:13-35](#))

¹²Ĥaysa tubettaka Iyesuse kolladhambawhe huusu lakki heqodhdhe kula ashshanuki onke piletta armadhi ¹³Usundheka iholepa kolladhambawhesi haqhenu ƴallongina usundhe kabay hissanaka yenadhukaysadhonki.

Iyesuse Hessi Pako Huusu Kaba Eragi Hudhdhanpa To’onki Armadhi

([☞Mat. 28:16-20](#); [☞Luk'. 24:36-49](#); [☞Yoh. 20:19-23](#); [☞Kodha. 1:6-8](#))

¹⁴ Dhikkatate Iyesuse hessi hudhdhanpa to'on iyyi'ooma fakkadhenaki nuarmadhi. Korossi qhara'ita napayina "Iyesuse fartate iha'ipa nabsetay isi'afaana, ehxhe haanitaka anhiini" payepa nu'alongiisi qhooti yedhukkaysadhongi pana ha'no sa'fe huusundhi maallay Iyesuse i'usundhe meetuyi. ¹⁵ Hasaka napayu: "Piyye qhaat'e kaasay ashshindhapa wengelesi uumata kaasanu torruyangu. ¹⁶ Qhawho dhukkaysadhipa sho'atte sho'adhu idhdhinna, naqharray hoyedhukkaysadhusa innaqhaqhamnay. ¹⁷ Heyeesi dhukkaysadha kaasay dhahxhxoootaadhe hasa liqooma kikonne; Maka'ko Hayyuttay Nassidhdhe maqoomaasika illihasnangi; pako qhawtitoka i'allanagi. ¹⁸ Tawidheesika iqappina olho koro poqasikaki f'ugne payni yeusundhe kotta'ani. Harqqe huusundhiisi he'udhdhama sappeema innaqabana hissa udhdhamaka idhdhinnina."

Iyesuse Moonto Kulaki Akami

([☞Luk'. 24:50-53](#); [☞Kodha. 1:9-11](#))

¹⁹ Poqolho Iyyesuseka usundhe f'ale ihasa f'alladhi tubettay karo moontitu i'akkami. Hallikitoka miskitto kaafila fakkadhu.

²⁰ Kolladhambawhe huusuka illiqepa hayto kaasay wengele tuusu kollisonki. Poqolho Iyyesuseka usundhe f'ale ikodhdhi, qhamu dhahxhxoootaadhe konnenuka alkase nuteehupa kollise tuusundhi dhukateesiki isidhigtisa.]